


1020

1184

Н. НОСОВ

# Протик гаджа селъя





Н. НОСОВ

Д  
Н 84

# Шöтик гажа семья



С Е Л  
Л  
Л Я  
О Т Е М

КОМИ КНИЖНОЙ ИЗДАТЕЛЬСТВО

Сыктывкар 1958





### *Важнӧй решение*

Тайӧ лоис сы бӧрын, кор взорвитчис парӧвӧй машина, кодӧс ми вӧчим Мишкакӧд консервнӧй банкаысь. Мишка вывтӧдзык шонтӧс васӧ — банка потӧс, и пӧсь пар сотӧс кисӧ. Бур, мый Мишкалӧн мамыс пыр жӧ мавтӧс сылысь кисӧ нафталинӧвӧй мазьӧн. Сийӧ зӧв бур лекарство. Кодӧ оз верит, медым ачыс видлас. Сӧмын мавтнысӧ колӧ сотчӧм бӧрас пыр жӧ, кучик усьтӧдзыс.

Машина взорвитчӧм бӧрын Мишкалӧн мамыс ӧз лӧдз мянӧс ноксыны сыкӧд да шыбитӧс машинасӧ ӧг кисьталан ящикӧ. Ковмис мянлы мыйкӧ дыра овны уджтӧг. Но и гажтӧм жӧ вӧлӧ.

Воис тулыс. Быдлаын сыліс лым. Уличаяс  
вылын жургисны шоръяс. Шонді дзирдаліс өшинь-  
ясын тулыссямоз нин. Но миянөс нинөм эз ра-  
дуйт. Сэтшөм нин миян Мишкакөд характер-  
ным — миянлы быть колө мыйкө вөчны. Кор  
вөчнысө нинөм, миянлы лоө гажтөм да гажтөм-  
чам сэтчөдз, кытчөдз огө аддзөй кутшөмкө удж.

Отчыд ме локті Мишка ордө, а сійө пукалө  
пызан сайын, копыртчөма кутшөмкө книга весь-  
тө, юрсө топөдөма кияснас да, книгасьыс кындзи,  
вөльнөй свет вывсьыс нинөм оз аддзы да весиг оз  
казяв, мый ме локті. Ме нарошнө ёнджыка пөд-  
лалі өдзөссө, медым сійө менө казяліс.

— А, тайө тэ, Николадзе! — нимкодь лои Миш-  
калы.

Сійө некор эз шулыв менө нимөн. Сы пыдди  
медым шуны прөстө «Коля», сійө нимтө менө то  
Николаён, то Миколаён, то Микула Селянинович-  
ён, то Миклухо-Маклайён, а өтипөрйө весиг заво-  
дитліс нимтыны менө Николакиён. Öти кывйён кө,  
быд лун выль ним. Но ме эг элясь. Мед колөкө,  
сылы кө тайө кажитчө.

— Да, тайө ме, — шуа ме. — А кутшөм книга  
нө тайө тэнад? Мый тэ сатшкысьөмыд сэтчө?

— Зэв интереснөй книга, — шуө Мишка. — Ме  
тайөс талун асывнас газетнөй киоскысь ньөби.

Ме видзөдлі: корка вылас — петук да курөг  
и гижөма «Птицеводство», а быд листбокын —  
кутшөмкө курөг позьяс да чертөжъяс.

— Мый нө тані интереснөйыс? — шуа ме. —  
Тайө кутшөмкө научнөй книга.

— Вот и бур, мый научнөй. Тайө тэныд абу  
кутшөмкө мойдъяс. Тані ставыс збыль. Тайө пө-  
лезнөй книга.

Мишка сэтшөм морт — сылы быть колө, медем быдторйысь пöльза вöли. Кор сылөн овлө лишнöй денга, сийö муно магазинö да ньöбö кутшöмкö пöлезнöй книга. Öтчыд сийö ньöбис книга, кодi шусьö «Обратнöй тригонометрической функцияяс да Чебышевлөн полиномъяс». Дерт, тайö книга-сьыс сийö немтор эз гөгөрво да решитис лыддыны мöдысьджык, кор быдмыштас да лоö тöлкаджык. Сэксянь тайö книгаыс куйлө джаджйын — виччысьö, кор Мишка лоас тöлкаджык.

Мишка пасйис лыддян листбоксö да тупкис книгасö.

— Танi, вокö, быдтор йылысь гижöма,— шуис сийö:— кыдзи быдтыны курөгъясöс, уткаясöс, дзодзөгъясöс, индюкъясöс.

— Он-ö нин тэ кöсйи индюкъясöс быдтыны?— юали ме.

— Ог, мый тэ! Прöстö интереснö лыддыны та йылысь. Вөлöмкö, позьö вöчны сэтшөм машина — инкубатор, и чипанпьян кутасны чужны асьныс, курөгтөг.

— Кодi нö тайöс оз тöд!— шуа ме.— Кольöм во ме мамкöд вöли колхозын да аддзыли инкубатортö. Сэни быд лун чужö витсё либö тысяча чипанпиöдз. Найöс öдва удитöны вöли перъявны инкубаторсьыс.

— Мый тэ висьталан!— чуймис Мишка.— А ме тайöс водзти эг тöдлы. Ме чайтли, мый чипанпьянтö век пöжö курөг. Кор ми олим сиктын, ме аддзыли, кыдзи курөг пöжö чипанпьянöс.

— Ме аддзыли жö пöжсьысь курөгтö. Но инкубаторыд ёна бурджык. Курөг улад пуктан дас кольк—и ставыс, а инкубаторад позьö öтпырйö пуктыны тысячаöс.

— Ме тōда,— шуō Мишка.— Тані сы йылысь гижōма. И сэсса, кор курōгыс пукалō колькъяс вылас да быдтō пьянсō, сійō оз вай кольктō, а чипанпьянсō кō пōжō инкубатор, курōгыд пыр вайō кольктō, и колькйис лōō ёна унджык.

Ми заводитім артавны, мыйта лишнōй кольк лоас, став курōгъясыс кō оз кутны пōжсыны, а сы пыдди кутасны вайны колькъяс. Вōлōмкō, курōг пōжō колькъяссō кызь ōти лун, сэсса сійō быдтō посни пьянсō, сідзкō прōйдитас куим тōлысь, кор сійō бара заводитас вайны кольк.

— Куим тōлысь — тайō ōкмысдас лун,— шуис Мишка.— Курōгыс кō эз пōж пьянсō, сійō эськō онас вермис вайны ōкмысдас колькйōн унджык. Кутшōмкō ичōтик овмōсын, кōнi сōмын дас курōг, онас эськō лоис ōкмыссē колькйōн унджык. А босьтны кō сэтшōм овмōс, кыдзи колхоз либō совхоз, кōнi птицефермаас тысяча курōг, то сэнi лоас ōкмысдас тысяча колькйōн унджык. Думыштны сōмын — ōкмысдас тысяча!

Ми дыр тōлкуйтім сы йылысь, кутшōм пōльза сетō инкубатор. Сэсса Мишка шуис:

— А мый, ми кō асьным вōчам ичōтик инкубатор, медым сэнi колькъясысь чужисны чипанпьян?

— Кыдзи нō ми сійōс вōчам?— шуа ме.— Ōд колō тōдны ставсō, кыдзи вōчны.

— Нинōм сьōкыдыс абу,— шуō Мишка.— Тані книгаас ставсō гижōма. Главнōйис, медым колькъясыс шоналисны дорыв стōч кызь ōти лун, и сэки наысь чужасны чипанпьян.

Меным друг лои окота, медым миян вōлины посныдик чипанпьян, сы вōсна мый ме зэв ёна радейта быдсикас лѣбачьясōс да зверьясōс. Арнас

ми Мишкакөд весиг гижсим юннатъяслөн кружокө да уджалім живөй уголокын, а сэсся Мишка думыштис вөчны тайө парөвөй машинасө, и ми дугдİM ветлыны кружокө. Витя Смирнов, кодİ вөлі миян старөстаөн, шуис, мый черкнитас миянөс списоксые, ми кө огө кутөй уджавны, но ми шуим, мый кутам, и сийө эз черкнит.

Мишка заводитис висътавлыны, кутшөм лоө лөсьыд, кор миян чужасны посныдик чипанпиян.

— Найө лоасны сэтшөм мичаникөсь!— висъталө сийө.— Позяс налы потшны кухнясые öти пельөс, и мед найө сәни олөны, а ми кутам вердны да дөзьөритны найөс.

— Но өд найө чужтөдз ковмас куим недель ноксыны!— шуа ме.

— Мыйла ноксыны? Вөчам инкубатор — найө и чужасны.

Ме думыштчи. Мишка төждысьөмөн видзөд-лывлис ме вылө. Ме аддзи, мый сылы зэв окота өдйөджык босътчыны уджө.

— Но ладнө!— шуа ме.— Вөчны миянлы ни-нөм жө-а, видлам.

— Ме сідзи и төді, мый тэ сөгласитчан!— ним-кодь лои Мишкалы.— Ме эськө и ачым босътчи тайө делөас, да тэтөг меным гажтөм.

### *Виччысьтөм мыджөд*

— Вай огө кутөй вөчны инкубатор, а тэчам колькъяссө кастрюляө да пуктам паччөрө,— шуи ме.

— Мый тэ, мый тэ!— кутис шенасыны кияснас Мишка.— Пачыс көдзалас, и сәки ставыс пропа-

дитас. Инкубаторын должен лоны пыр ۆткодъ температура — комын ۆкмыс градус.

— Мыйла қомын ۆкмыс?

— Сы вөсна мый колькъяссө пөжигөн курөглөн температураыс овлө та мында.

— Курөглөн өмөй температура овлө?— шуа ме.— Температура овлө мортлөн, кор сийө висьө.

— Уна тай тэ гөгөрвоан! Температура эм быд мортлөн — и висьыслөн, и дзоньвидзалөн, сөмын висьыслөн сийө содө.

Мишка восьтис книгасө да заводитис петкөдлыны чертөжъяс:

— Со видзөд, кызди настоящөй инкубаторсө вөчөма. Тані — ва тыра бак. Баксянь нюжөдөма кольк тыра ящикъясө трубка. Улісяньыс баксө шонтөны. Шоньд ваыс мунө трубкаөдыс да шонтө кольк тыра ящиксө. Тані со градусник, медым позис следитны, кутшөм температураыс.

— Энлы,— шуа ме,— кытысь нө ми босьтам баксө?

— А мый миянлы баксыс? Бак пыддиыс босьтам консервнөй банка. Миянлы өд нейджыд инкубатор колө.

— А мыйөн шонтынысө?— юала ме.

— Шонтыны позяс лампаөн. Миян көнкө сарайын эм важ карасин лампа.

Ми петім сарайө да заводитім луасыны пельөсын куйлысь важ көлуй чукөрын. Сәні вөліны важ башмакъяс, колошияс, жугалөм зонтик, зөв бур ыргөн трубка, зөв уна бутылкаяс да важ консерв банкаяс. Ми лукйим став чукөрсө, но лампа сәні эз вөв, а сәсся ме аддзи, мый сийө сулалө вылысса джаджйын. Мишка кавшасис да судзөдіс сийөс. Лампаыс ставнас вөлі бусөсь, но стек-

лөыс вөлі дзонь, а пытшкөсас весиг фитильыс вөлі. Миянлы лои нимкодь, босьтім лампасө да ыргөн трубкасө, бөрйим мича, ыджыд консерв банка да пыртім ставсө кухняө.

Первой Мишка весалис лампасө, кисьтис сэтчө карасин да öзтис. Лампа сотчис бура. Фитильсө позьö вөлі лэдзны либö лэптыны, бисö чинтыны либö содтыны.

Ми кусөдiм лампасө да заводитiм вöчны инкубатор. Первой ми вöчим фанераысь ыджыд көрöб, медым сэтчө төрис дас вит кымын кольк. Көрöб пыткас ми вольсалим вата, а вата вылас пуктiм небыд гын, медым колькъясыслы вөлі шоньд. Көрöбсө вевтим розя вевтөн. Розяс суйим градусник, медым следитны температура бөрся.

Та бöрын ми заводитiм вöчны шонтан аппарат. Босьтiм консерв банка, кыклатi розбөдiм сийöс: öти розьсө писькөдiм вылиас, мөдсө — улиас. Вылыс розяс паяйтiм ыргөн трубка, сэсся инкубатор бокас вöчим розь, суйим сэтчө трубкасө да нюкыльтiм сийöс сiдзи, медым трубкаыс мунис көрöб пытшкөстiыс парөвöй отопление моз. Трубка помсö ми петкөдiм ортсö да паяйтiм консерв банка улыс розяс.

Öнi колö вөлі вöчны сiдзи, медым банкасö позис шонтыны увсяньыс лампаөн. Мишка пыртiс кухняө фанера ящик. Ми сувтөдiм сийöс, писькөдiм вылиас гөгрөс розь да пуктiм инкубаторсö сiдзи, медым консерв банкаыс вөлі буретш розь весьтас. Лампасө ми пуктiм ящик пыткас улиас, медым сийö вермис шонтыны банкасө.

Медбöрын ставсө лои вöчöма. Ми кисьтiм банкаө ва да öзтiм лампа. Банкаын ваыс кутис шонавны. Сийö мунис трубкатi да шонтис миянлысь

инкубаторнымос. Градусникын ртутыс заводитис кыштыны да вочасон воис комын окмыс граду-содз. Сийо, наверно, кайис эсько и вылоджык, но эски воис Мишкалон мамыс да юалис:

— Мыйла карасин дук кылө? Мый ти тани вочаннуд?

— Инкубатор,— шуо Мишка.

— Кутшом инкубатор?

— Но, гогорвоан, медым чипанпийан чужисны?

— Кутшом ещо чипанпийан?

— Но кутшом... Кутшомось овлоны. Татчо, гогорвоан, пуктоны колькьяс, а со тани, гогорвоан, оэйо лампа...

— А лампыс мыйла?

— Кыдзи но лампатогыс? Лампатог нином оз артмы.

— Тэ нин, пожалуйста, эновт тайос! Лампаыд порас, карасиныс озьяс.

— Оз оэйы. Ми кутам видзодны.

— Оз позь! Кутшом ещо бион ворсом! Этна на тэныд, мый пуан ваон сотчин, ещо пожар косьян вочны?

Кутшома коть Мишка эз кевмысь мамыслы, но мамыс эз лэдз мянлы озтыны карасин лампа.

— Со тэныд и пожим чипанпийанто!— дозмомон шуис Мишка.



## Петан туй сюрис

Тайо войнас ме дыр эг вермы унмовсьны.

Быдса час ме куйлі вольпасьын да думайті инкубатор йылысь. Первойсö ме көсьи корны аслам мамлысь, медым сійö лэдзис миянлы öзтыны карасин лампа, но бöрас гөгөрвои, мый и менам мам оз лэдз ноксьыны биön, сы вöсна мый сійö зэв ёна полö пöжарысь да пыр дзевö меысь истöг. Да и Мишкалön мамыс мырддис миянлысь карасин лампа да нинöм вылö эськö эз сет бөр. Важön нин ставön узисны, а ме думайті та йылысь да некыдзи эг вермы унмовсьны.

Друг меным юрö воис зэв бур мөвп: «А мый, шонтыны кө васö электрической лампочкаön?»

Ме гусьöникön чеччи, öзті пызанвывса лампочка да пункті сы вылö чуньös, медым тöдмавны, ёна-ö шонтö электрической лампочкаыс. Лампочка öдйö шоналіс, кутіс сотны чуньös. Сэки ме босьті стенысь градусник да матысті лампочка бердö. Ртутьыс öдйö кыптіс да мыджсис вылыс помас, мый весиг градусникын эз тырмыны делениеыс. Сідзкö, ёна шоналіс.

Ме успокоитчи да öшöді градусниксö бөр. Сёрöнджык, некымын лун мысти, ми казялім, мый градусник заводитіс ылöдчыны да петкөдлыны неправильной температура. Кор комнатаын вöлі ыркыд, сійö мыйлакö петкөдліс нелямын кымын градус жар, а кор лолывліс шоньдджык, ртутьыс кыптыліс медся вылөдзыс да сулаліс сәні, кытчөдз сійös эз тракнитлыны. Комын градусысь улөджык сійö некор эз петкөдлыв, и ми весиг төлын вермим не ломтивны пачнымös, сійö

кө эз пөръясь. Гашкө, тайö лоис сы вöсна, мый ме градусниксö инмөдлi лампа бердö? Ог төд.

Мөд лунас аслам думыштөмтор йылысь ме висьталi Мишкалы. Кор ми воим школаысь, ме кори мамлысь важ настольной лампа, кодi сулалi шкапын, и ми шуим видлыны шонтыны васö электричествоөн. Электрической лампасö ми пуктiм ящикö карасин лампа пыдди, а медым лампочкаыс вöли матынджык ва тыра банка дорö да бурджыка шонтiс сийöс, Мишка пуктiс сы улö некымын книга. Ме включитi электричество, и ми заводитiм следитны градусник бөрся.

Первойсö градусникын ртутьыс дыр сулалiс öти местаын, и ми весиг повзылим, мый мян немтор оз артмы. Сэсся лампочкаыс вочасөн шонтiс васö, а ртуть ньöжйөнник кутiс кайны вывлань.

Часджын мысти ртутьыс кайис комын öкмыс градусöдз.

Нимкодъысла Мишка заводитiс кекöначны да горöдiс:

— Ура! Со сийö, збыльвылö курög температу-  
райд!.. Вөлөмкө, электричествоыд карасинсьыд  
абу лөкджык.

— Дерт жö,— шуа,— абу лөкджык. Электриче-  
ствоыд бурджык на, сы вöсна мый карасинсяныыд  
вермас пöжар лоны, а электричествосяныыд нем-  
тор оз ло.

Сэки ми казялим, мый градусникын ртутьыс  
мөдөдчис вывлань да кыпалiс нелямын граду-  
сöдз.

— Сулав!— горöдiс Мишка.— Сулав! Видзöд,  
кытчö сийö кайö!

— Колö кызкө сывтöдны сийöс,— шуа ме.

— А кызди сійөс сувтөдан? Вөлі кө тайө карасин лампа, позис эськө фитильсө лэдзыштны.

— Кутшөм нө тані фитиль, кор тайө электричество!

— Некытчө оз туй сійө, тэнад электричествод!— скөрмис Мишка.

— Мыйла менам электричество? — дөзми ме.— Сійө сэтшөм жө менам, кутшөм и тэнад.

— Но өд тэ думыштин электричествонашонтынысө. Видзөд, нелямын кык градус нин! Тадзи кө мөдөдчас, став колькыйс пусяс, и некутшөм чипанпиян оз чужны. Тані колө, медым ставыс стөч вөлі!



— Энлы,— шуа ме.— Ме ногөн, лампочкасө колө улөджык лэдзны, сәки сійө омөльджыка кутас шонтыны васө, и температураыс чинас.

Ми перйим лампа улысь медся кыз книгасө да кутім видзөдны, мый лоас. Ртуть ньөжйөнникөн мөдөдчис увлань да лэччис комын өкмыс граду-сөдз.

Ми кокныдджыка лолыштим, и Мишка шуис:

— Но, өні ставыс ладнө. Позьө заводитны пөжны чипанпиянөс. Ме дзик пыр мамлысь кора деньга, а тэ котөрт гортад да кор жө. Ми тэчсям да ньөбам магазинысь кольк десятка.

Ме котөрти гортө да куті корны мамлысь кольк вылө деньга. Мам некызди эз гөгөрво, мыйла менам ковмисны колькъясыс. Одва ме висьталі

сылы, мый ми вöчим инкубатор да көсьям пöжны чипанпиянöс.

— Да немтор тiян оз артмы,— шуис мам.— Шутка öмöй — пöжны курöгтöг чипанпиянöс! Тi сöмын кадсö весь воштанныд.

Но ме эг вешйы мам дiнысь да пыр кори.

— Но ладнö,— сöгласитчис мам.— А кытысь нö тi көсьяанныд колькъяссö ньöбны?

— Магазинысь,— шуа ме.— Кытысь нö сэсся?

— Магазиinsa колькъясыд та вылö оз туйны,— шуö мам.— Чипанпиянтö пöжны колöны медся свежöй колькъяс, кодъясöс курöг неважөн вайис, а сэтшöм колькъясысь, кодъяс дыр нин куйлисны, чипанпияныд оз чужны.

Ме бөр мунi Мишка ордö да висьталi сылы та йылысь.

— Ок ме бöб!— шуö Мишка.— Öд и книгаас та йылысь гижöма. Дзикöдз вунöдi!

Ми шум аски ветлыны сиктö Наташа тьötка ордö, код ордын ми кольöм во олим дачаын. Наташа тьötкалөн аслас курöгъяс, и ми эским, мый аддзам сылысь медся свежöй колькъяс.

### *Аскинас*

Со кутшöм тешкодя овывлö олöмад! Тöрыт на ми эгö думайтö некытчö мунны, а талун пукалим нин поездын да муним сиктö Наташа тьötка ордö. Миянлы вöли окота öдйöджык вайны колькъяс да заводитны пöжны чипанпиянöс. Поезд, быттö нарошнö, мунис черепаха öдөн, и туйыс миянлы кажитчис зэв кузьөн. Тайö век сiдзи овлö: кор тэрмасын, то ставыс, быттö лёк вылö, вöчсö ньöжйö. Ми Мишкакөд нервничайтим да

полім, мый Наташа тьотка кытчөкө мунас и ми гортсыыс сійөс огө суый.

Но ставыс артмис бура. Наташа тьотка вөлі гортас.

Миян воёмлы сійө вөлі зэв рад да весиг думыштис, мый ми воим сы ордө дачаө.

— Да өд миян каникулъясыс эз на заводитчыны,— шуө Мишка.

— Ми могөн воим,— шуа ме:— колькъясла.

— Кутшөм колькъясла?

— Но, обыкновенной курөг колькъясла. Миянлы колөны свежөй курөг колькъяс.

— И ставыс?— шуис Наташа тьотка.— Карсыыс өмөй некытысь ньөбны колькъяссө?

— Дерт, некытысь,— шуө Мишка.— Магазинын колькыйд эм, сөмын найө абу свежөйөсь.

— Кыдзи «абу свежөйөсь»? Оз вермы лоны, медым магазинъясын вузалісны тшыксьөм колькъяс!

— Мыйла нө оз вермы лоны?— шуө Мишка.— Мыйөн курөгыс ваяс кольксө, сійөс өд оз жө дзик пыр нуны магазинө, збыль өд?

— Збыль.

— Вот сыын и делөыс!— радліс Мишка.— Кольксө чукөртөны, медым сразу лои уна; вермас лоны, быдса недель, а то и кыкөс чукөртөны, и вөлисти нуөны магазинө.

— Но и мый нө?— шуө Наташа тьотка.— Оз жө вермыны колькъясыс кык недельөн тшыксьыны.

— Кыдзи «оз вермыны»? Миян книгаын гө-гөрвоана гижөма, мый колькъяс кө куйлісны дас лунысь дырджык, то наысь чипанпиян оз нин чужны.

— Чипанпиян — тайö мөд делө,— шуис Наташа тьотка.— Чипанпиянтө пөжны колөны медся свежөй колькьяс, а сөйнытө туйөны и сэтшөмьяс, кодьяс куйлисны төлысь-мөд... Тi өд онө кутөй пөжны чипанпиянөс?

— Мыйла огө кутөй? Ми буретш и көсьям. Сы вөсна и воим,— шуа ме.

— Кыдзи нө тi кутанныд найөс пөжны?— юалө Наташа тьотка.— Та вылө өд пөжсьысь курөг колө.

— А ми курөгтөг — ми инкубатор вөчим.

— Инкубатор вөчинныд? Вот дивөйд! Да мыйла тiяны инкубаторыс ковмис?

— Но, медым чипанпиянөс пөжны.

— А чипанпияныс мыйла?

— Прөста сiдз,— шуө Мишка.— Чипанпиянтөгыс кыдзкө гажтөм. Тiян танi, небось, ставыс эм: курөгьяс, дзодзөгьяс, мөсьяс, порсьяс, а мяннинөм абу.

— Сы вөсна мый мян танi сикт. А карын нө кодi кутас мөсьяссө видзны?

— Но, мөсьястө, дерт, некод оз кут видзны, а вот посни скөттө, навернө, позьө.

— Карад и посни скөтнад матөвоан!— серөктис Наташа тьотка.

— Мыйла «матөвоан»?— шуө Мишка.— Мян керкаын олө өти морт да видзө лэбачьясөс. Сылөн клеткаясын унасикас лэбачьяс олөны: чижикьяс, канарейкаяс, щегольяс да весиг скворецьяс.

— Да өд сылөн лэбачьясыс клеткаясын олөны. Тi өмөй чипанпиянтө клеткаясын кутанныд видзны?



— Ся тiянылы быд бурей!— шуис Наташа тiётка.

— Огö, чипанпянöс позьö кухняын видзны. Ми нин налы корсям бур места. Сöмын тi сетöй миянлы медся бур колькъяссö, медся свежöйяссö, сы вöсна мый лёк колькъяссыд чипанпяныд оз чужны.

— Сета, сета,— шуис Наташа тьötка.— Метö нин тöда, кутшöм колькъяс тiянлы колöны: сэтшöмьяс, кодъясöс пöжсыйсь курöг улö пунктöны. Менам курöгъясöй неважөн вайисны колькъяс, сiдзкö колькъясыс медся свежöйöсь лоöны.

Наташа тьötка мунис кухняö да бöрийс дас вит кольк. Ставныс найö вöлины öткодöсь: сöстöмöсь, еджыдöсь, ни öти чуттор абу. Сразу тыдалö, мый медся свежöйöсь. Сiйö пунктiс колькъяссö кöрзинаö, кодöс ми вайим сьöрсыйным, а вывсянныс вевтис шоныд чышъянөн, медым найö эз кынмыны.

— Сиа тiянлы быд бурсö!— шуис Наташа тьötка.

Бiвлаын заводитiс нин рöмдыны, и ми Мишкакöд тэрыба мöдöдчим станцияö.

Гортö ми воим войнас дас кыкöд часын. Мам заводитiс видны менö сыысь, мый ме ветлi сэтшöм сёрöдз. Мишкалы скрыштiс жö мамсянныс. Но ставыс тайö веськодь! Медся дöсaднö вöли сiйö, мый талун ми эгö нин вермöй пуктыны пöжны колькъяс. Ковмис тайöс эновтны аскиöдз.

### *Заводитчöм*

Аскинас, школаысь воём бöрын, ми пыртiм кöрзинасö кухняö да колькъяссö тэчим инкубаторö. Местаыс вöлöма тырмымөн, весиг неуна кольыштiс на.

Инкубаторсö ми вевттим, пунктим розяс градусник да кöсйим нин öзтыны лампа, но сэки Мишка шуис:

— Колö думыштлыны, ставсö-ö ми правильнöя вöчим. Гашкö, первой колö шонтыны инкубаторсö, а бöрас нин тэчны колькъяссö?

— Вот тайöс нин ме ог тöд,— шуа ме.— Колö лыддыны. Навернö, книгаас гижöма.

Мишка босьтис книга да заводитис лыддыны. Лыддис, лыддис, сэсса шуö:

— Тэ тöдан: ми муртса эгö пöдтöй найöс!

— Кодъяссöс?

— Колькъяссö. Найö, вөлöмкö, ловъяöсь.

— Мый тэ! Колькъяс ловъяöсь?— чуйми ме.

— Збыль, збыль! Со лыдды: «Колькъяс — сийö ловъя ловъяс. Сöмын олöмсö налысь он казав. Сийö быттö вугралö кольк пытшкас. Но кольксö кö заводитан шонтыны, олöмыс садьмö, и кольк пытшкын заводитö сöвмыны зародыш, кодi вочасөн лоö ичöтик чипанпиөн. Кызди и быд ловъя лов, колькъяс лолалöны...» Гөгөрвоин? Ми тэкöд лолалам, и колькъяс лолалöны.

— Мойдöм!— шуа ме.— Ми тэкöд лолалам вомөн, а колькъясыс мыйөн лолалöны? Көнi налөн вомныс?

— Ми тэкöд лолалам огö вомөн, а тыясөн,— шуö Мишка.— Воздухыс веськалö миян тыясö вом пыр, а колькъяс лолалöны веськыда кыш пырыс. Воздухыс пырö кыш пырыс, и найö лолалöны.

— Но и мед лолалöны,— шуа ме.— Ми öмöй ог сетöй налы лолавнысö?

— Да кызди нö найö вермасны лолавны көрöб-ын? Öд лолалигөн петö углекислöй газ. Тэ кö пыран көрöбö да тэнö кö вевттыны, то тэнад ло-

лаломысь көрөбын чукөрмас уна углекислөй газ, и тэ пөдан.

— Мыйла нө ме пыра көрөбас? Зэв тай меным колө пөдны!— шуа ме.

— Дерт, тэ он пыр... А колькъястө ми кытчө тэчам? Көрөбө. Вот найө и пөдасны көрөбад.

— Мый нө миянлы вөчны?

— Колө вөчны вентиляция,— шуө Мишка.— Прамөй инкубаторъясын век вөчөны вентиляция.

Ми видзчысьөмөн перйим көрөбысь став колькъяссө да тэчим найөс көрзинаө. Сэсся Мишка вайис напаръя да писькөдиэ инкубаторө некымын ичөтик розь, медым углекислөй газыс петис ортсө.

Кор ставсө лои вөчөма, ми колькъяссө бөр тэчим көрөбө да бара вевтим.

— Энлы,— шуө Мишка.— Ми өд сідзи эгө и төдмалөй, мый колө вөчны водздзык: инкубаторсө шонтыны али колькъяссө тэчны.

Сійө бара заводитис лыддыны книгаысь. Сэсся шуө:

— Бара миян немтор оз артмы. Тані гижөма, мый инкубаторын должен лоны васөд воздух, сы вөсна мый воздухыс кө лоө кос, то колькъяссыыс кыш пырыс кутас испаряйтчыны уна ва да зародышъясыс вермасны кувны. Инкубаторө век пуктылөны ва тыра дозъяс. Ваыс дозсыыс испаряйтчө, и воздухыс лоө васөд.

Ми бара перъялім инкубаторысь колькъяс да шуим пуктыны сэтчө ва тыра кык стөкан. Но стөканъясыс вөлөмаөсь джуджыдджыкөсь, и вевтыс эз пөдлассы. Ми заводитім корсьны кутшөмкө мөд доз, но туянаыс нинөм эз вөв. Сэки Мишка-

лы уси дум вылас, мый ичөтджык чойыслөн, Майкалөн, эмось ичөтик пу дозъяс, да шуө:

— Гашкө, босьтны Майкалысь тайө дозъяссө?

— Вернө!— шуа ме.— Вай татчө!

Мишка корсис Майкалысь чачаяссө да вайис нель пу чашка. Найө вөлі буретш туянаось. Ми кисьтім чашкаясас ва да пуктім найөс инкубаторө — быд пельөсө өти чашкаөн — да заводитім тэчны колькъяс. Но өні чашкаясыс босьтисны места, и став колькъясыс эз төрны. Төрис сөмын дас кык кольк, а куим кольк некыз эз төрны.

— Но ладнө,— шуө Мишка.— Тырмас миянлы и дас кык чипанпиыс. Мыйла миянлы унджыксө? Налы мыйта сёян ковмас!

Сэки локтис Майка, адзис инкубаторысь ассыс чашкаяссө да заводитис горзыны.

— Кывзы,— шуа ме,— ми өд огө век кезлө босьтөй. Кызь өти лун мысти сетам бөр, а таысь, көсьян кө, пөдаритам тэныд куим кольк.

— Мый нө меным колькъяссыд? Найө тыртөмось!

— Абу, абу тыртөмось. Налөн и вижыс и еджыдыс эм — ставыс кыз колө.

— Сэни кө эськө чипанпийан вөліны!

— Но, ми тэныд пөдаритам өти чипанпи, кор чужасны.

— А онө пөръялөй?

— Огө пөръялөй, огө.



Майка сӱгласитчис, и ми сійӱс ыстӱм.

— Ӗнӱ мун,— шуам,— миянлы колӱ уджавны. Ми танӱ и тӱтӱг огӱ гӱгӱрвоӱй, мыйсянь заводитны: то ли тӱчны инкубаторӱ колькӱяссӱ да вӱлисти шонтыны, то ли первой шонтыны, а сӱсся тӱчны колькӱяссӱ.

Мишка бара пуксис книга дорӱ да лыддис, мый позьӱ кыкнанногыс вӱчны.

— Сӱдзкӱ, включит электричествосӱ, заводитам уджавны.

— Весиг кызкӱ полан,— шуӱ Мишка.— Включит тӱ: ме шудтӱм.

— Мыйла нӱ тӱ шудтӱм?

— Меным олӱмын оз везит. Ме мый ог босытчы вӱчны, пыр оз удайтчы.

— Менам ӱд век жӱ оз удайтчы,— шуа ме.

Ми заводитӱм казтывны асланым олӱмысь разнӱй случайяс, и вӱлӱмкӱ, мый ми кыкнанным шудтӱмӱсӱ.

— Оз позь миянлы заводитны татшӱм делӱтӱ,— шуӱ Мишка:— всӱ равно немтор оз артмы.

— Гашкӱ, Майкаӱс корам?— шуи ме.

Мишка корис Майкаӱс.

— Кывзы, Майка,— шуа ме,— тӱ шуда?

— Шуда.

— Тӱнад кутшӱмкӱ неудачаяс олӱмад вӱлины?

— Эз.

— Вот тайӱ бур! Аддзан ящиксьыс лампочкасӱ, кодӱ тай книгаяс вылас сулалӱ?

— Аддза.

— Нолтӱ, матыстчы да бергӱд выключательсӱ.

Майка матыстчис инкубатор дорӱ да ӱзтис лампочка.

— А ӱнӱ мый?— юалӱ.

— А öнi,— шуö Мишка,— мун татысь да эн мешайт миянлы.

Майка дözмис да мунiс. Ми öдйöджык вевттим инкубаторнымöс да кутим видзöдны градусник вылö. Первойсö ртутьыс градусникын сулалiс дас көкъямыс градус вылын, сэсся ньöжйöник заводитiс кыптыны, воис кызь градусöдз, мөдöдчис öдйöджык, воис кызь вит градусöдз, сэсся — комынöдз, сэсся заводитiс кыптыны ньöжйöджык. Часджынйөн сийö кыптiс комын квайт градусöдз да сувтiс. Ме пунктi лампа улö ещö öти книга, и ртуть бара заводитiс кыптыны. Сийö воис комын öкмыс градусöдз, но эз сувт, а мөдiс кайны ещö вылөджык.

— Стоп!— шуö Мишка.— Видзöд: нелямын градус! Тэ вывтi кыз книга пунктiн.

Ме тэрыба перйи тайö книгасö да суйи мөдöс, вöсниджыкöс. Градусникын ртутьыс сулалыштiс öти местаын да мөдöдчис увлань. Лэччис комын öкмыс градусöдз да кутiс лэччыны ещö.

— А тайö книгаыс вывтi вöсни,— шуö Мишка.— Ме дзик пыр тетрадь вая.

Сийö вайис тетрадь да суйис сийöс лампа улö. Ртуть заводитiс кыптыны, воис комын öкмыс градусöдз да сувтiс. Ми дугдывтöг дзоргим градусник вылö. Ртуть спокойнöя сулалiс öти местаын.

— Но вот,— вашнитiс Мишка,— öнi татшöм температурасö колö кутны кызь öти лун. Кутам?

— Кутам,— шуа ме.

— Смотри, огö кө кутöй, то ставыс вошö.

— Мыйла огö кутöй? Кутам!

Инкубатор дорын ми пукалим рытöдзыс. Весиг

урокъяс кутім велөдны кухняын. Градусник пыр өтмоза петкөдліс комын өкмыс градус.

— Бура мунө делөным!— радліс Мишка.— Ставыс кө лоө лючки-ладнө, то кызь өти лун мысти миян лооны чипанпиян. Быдса дас кык. Гажа и семья лоас!

### *Температура усьө*

Ог төд, кызди мукөд челядыс, но ме воскресеньё радейта дырдзык узыны. Школаө мунны оз ков, тэрмасыны некытчө. Недельнад өтчыдтө позьө и вольпась вылад туплясьыштны. Ме думайта, таын лёкыс нинөм абу. Мөд лунас вөлі буретш воскресенье, но ме мыйлакө садьми водз. Шондыс абу на вөлі петөма, но ывлаын вөлі югыд нин. Ме решиті неуна куйлыштны на, и друг дум вылө уси инкубаторным. Менө быттьөкө тойыштісны вольпасьысь. Ме тэрыба пасьтаси, котөрті Мишка ордө да заводиті звөнитны өдзөс дорас. Мишка пыр жө осьтіс да скөрысь кутіс вашкөдны:

— Тссс! Ставнысө садьмөдан! Асыв, а сійө звөнитө мыйвынсьыс!

Сійө вөлі пасьтасьтөм на: улыс дөрөма да көмтөм.

— Но өд тэ чеччөмыд нин?

— «Чеччөмыд»!— нурбыльтіс Мишка.— Эг на водлы.

— Мыйла?

— Да вот пыр сы вөсна, инкубатор вөсна.

— А мый ськөд лоис?

— Да пыр усьө.

— Мыйла нө усьө? Ми өд сійөс зумыда сувтөдім.

— Да օз инкубаторыс усь, йօюк! Температу-  
раыс, мися, усьօ.

— А температураыс мыйла усьօ?

— Ассьыс юав! Ме  
воді узьны, ставыс люч-  
ки-ладнօ вօлі, сօмын ме  
дыр эг вермы унмовсьны.  
Куйлі да думайті чипан-  
пиян йылысь. Сэсса ду-  
мышті: «Вай жօ ветла,  
видзօдла, кыдзи сәні ин-  
кубаторным уджалօ». Пыри  
кухняօ, видзօда... Батюшки  
— комын кօкъямыс градус  
да джын! Ме օдйօджык суйыш-  
ті лампа улօ ещօ օти  
тетрадь. Виччысь-  
ышті. Температура кып-  
тіс комын օкмыс граду-  
сօдз. «Но,— думайта,—  
бур, мый ме эг унмовсь,  
а то пօгибнитісны эськօ  
миян чипанпияныд». Ре-

шиті виччысьлыны, мый водзօ лоօ. Пукала, вич-  
чыся. Виччыся час, виччыся кыкօс — температу-  
ра нормальнօй. Ме дօзми нинօм вօчтօг пукавны.  
Босьті книга да заводиті лыддысьны. Ылалі да  
и вунօді градусник йывсьыд. Друг видзօда — бара  
комын кօкъямыс градус да джын. Бара градус-  
джын усьօма! Ме օдйօджык ещօ օти тетрадь  
лампа улօ суйи. Температура бара кыптіс. Со ад-  
дзан, օні пока нормальнօй на, а водзօ мый лоօ,  
ог тօд.



Ме шуа :

— Тэ öні вод, а ме дежуритышта инкубатор дорын.

— Кутшöм öні узьöм!— шуö Мишка.— Асывнин.

Сійö пыраліс ньöжйöник комнатаас, вайис ассыс паськöмсö да заводитіс пасьтасыны. Гачасис, пасьталіс дөрöмсö, ботинкиасис, сэсся водіс кушетка вылö да мөдіс шкоргыны. «Но,— думайта,— мед узьыштас. Мортыд öд оз вермы, медым ньöти узьтöг».

Ме пукси инкубатор дорö да куті видзöдны градусник вылö. Сэсся меным лои гажтöм, ме босьті птицеводство йылысь книга да заводиті лыддыны, кызди колö следитны инкубатор бөрся. Книгаын висьтависис сы йылысь, мый колькъясыс кө кутасны куйлыны инкубаторын вөрзбөдлытöг, то зародышъясыс вермасны пытшкөсас сибдыны кольк кыш бердас. Та вöсна чипанпиян вермасны лоны мышкыраöсь, пöлыняöсь, омöля развитчöмаöсь либö кулöма нисьö ловъяöсь, вермасны весиг дзикöдз кувны. Медым зародышъясыс пытшкөсас эз сибдыны кыш бердас, инкубаторысь колькъяссö колö быд куим час мысти бергөдлыны.

Ме тэрыба восьті инкубатор да заводиті бергөдлыны колькъяссö. Сэки Мишка буретш садьмис. Сійö аддзис, мый ме восьті инкубатор, да кызди горөдас:

— Тэ мый сэні вöчан, а?

Виччысьтöмла ме повзи да муртса эг уськөд кольксö.

— Нинöм,— шуа.

— Кыдзи «нинём»? Тэ мыйла восьтін инкубаторсө? Шуёма тэныд, мый колө кызь өти лун виччысьны! Гашкө, тэ думайтан, мый чипанпьяныд мөд лунас чужасны!

— Нинём ме ог думайт...— шуа ме да көсья висьтавны, мый колькьяссө колө бергөдлыны быд куим час мысти.

Но Мишка и кывзыны оз көсьы да горштырнас горзө:

— Пөдлав, шуа! Мыйся наказание! Здук жежлө унмовсьны оз позь! Муртса унмовсьыштан, а сійө пырысь-пыр инкубаторө пырө, медым колькьяссө видзөдлыны!

— Да мыйла меным найөс видзөднысө?— шуа ме.

Сэки Мишка чеччыштіс да пөдлаліс вевтсө, но ме век жө удиті бергөдлыны став колькьяссө. Горзөм шыө локтісны Мишкалөн батыс да мамыс.

— Мыйся зык тані?— юалөны.

— Да вот этайө төлкаыс восьтөма инкубаторсө,— шуө Мишка.

Сэки ме заводиті висьтавны, мый колькьяссө колө бергөдлыны, сы вөсна мый вермасны чужны кулөм нисьө ловьяяс.

— Кутшөм кулөм нисьө ловьяяс?— горзө Мишка.— Мыйла курөглөн сэтшөмъясыс оз овлыны?

— Курөгыд пөжсигас колькьяссө пыр бергөдлө,— шуис Мишкалөн мамыс.

— Кытысь сійө төдө, мый колькьяссө колө бергөдлыны? Курөгыд төлктөм,— шуө Мишка.

— Абу нин сэтшөм төлктөм,— воçавидзис мамыс.

Мишка думыштчис.

— А өд ме и ачым аддзылі, кыдзи пöжсьысь курöгыд колькъяссö бергöдлö!— шуис медбöрын сійö.— А ме думайтлі, мыйла, мися, сійö бергöдлö найöс нырнас?

### *Температура кыптö*

Час дас кежлö кымын градусникын ртутьыс мыйлакö кыптис градусжын вылö, и миянлы ковмис перйыны öти тетрадь да лэдзыштны лампасö.

— Мый тайö лои температураыскöд?— шензис Мишка.— Войнас сійö пыр лэччис, а öни мыйлакö кайö вывлань.

Обедöдз миянлы ещö öтчyd ковмис лэдзыштны лампанымöс, сы вöсна мый температураыс бара кыптис.

Обед бöрын Мишка нёровтчис кушетка вылö да бара унмовсис. Меным öтнамлы пукавны вöли гажтöм — ме вайи ассьым рисуйтчан альбомöс да



заводиті рисуйтны Мишкаос, кызди сійо узыо кушетка вылын. Узьысыясто кокниджык рисуйтны, сы вöсна мый найо куйлоны спокойнöя да оз вöрны.

Сэки мян ордö локтис Костя Десяткин. Сійо аддзис, мый Мишка узыо, да юалö:

— Мый нö тайо сылөн, узян висьом?

— Абу,— шуа,— тайо сійо прöста сидзи узыо.

Костя заводитис тракодны Мишкаос пельпомодыс да кызди городас:

— Чеччыны кад!

Мишка звиркнитис, быттö пöсь ваон кисьтисны.

— А? Мый? Асыв нин?— юалö.

— Кутшöм асыв?— серöктис Костя.— Рыт нин регыд. Чеччы öдйоджык, мунам гуляйтны. Видзöдлы, шондi дзирдалö! Тулыс! И воробейяс сылöны.

— Миянлы öни гуляйтны некор. Миян уджэм,— шуö Мишка.

— Кутшöм удж?

— Зэв, вокö, важнöй удж.

Мишка матыетчис инкубатор дорö, видзöдлiс градусник вылö да кызди городас ме вылö:

— А тэ мый танi пукалан, быттö базар вылын кöза? Он аддзы, мый вöчсьö!

Ме видзöдлi градусник вылö — бара комын öкмыс да джын!

Мишка тэрыба лэдзыштис лампасö.

— Ме кө эськö эг садьмы, тэ, навернö, нелямынöдз эськö лэптiн!— горзис сійо.

— Ме öд абу мыжа, мый тэ пыр узян.

— А ме мыжа, мый войнас эг узь?

— Но и ме,— шуа,— абу мыжа.

Костя аддзис инкубатор да юалö:

— Тайö тi мый, бара парөвöй машина вöчанныд?

— Мый тэ! Парөвöй машинаыс öмöй татшöм?

— А мый тайö?

— Тöдмав.

— Гм...— шуис Костя да гыжйыштіс бая-бөжсö.— Парөвöй турбина, навернö.

— Эн, эн тöд.

— Но, сідзкö кутшöмкö реактивнöй двигатель. Ми Мишкакөд серөктім:

— Сё во кутан гадайтны — он тöдмав!

— Мый нö тайö татшöмыс?

— Инкубатор.

— Ак, инкубатор! Со вөлөм мый! А мый сійö вöчö, тайö инкубаторыс?

— Кыдзи «мый?»— чуймис Мишка.— Чипан-пиянөс пөжö.

— А, гөгөрвоа, гөгөрвоа! Мыйыс нö сійö пөжö найөс?

— «Мыйыс»!— зывөкпырыс шуис Мишка.— Колькъясыс, дерт. Мыйыс нö ещö?

— Ак, колькъясыс! Но дерт! Сійö найөс курөг пыдди пөжö. Тайөс ме тöда, сөмын ме думайтi, мый сійö абу инкубатор, а индюкатор либö курбюратор — вунöдi, кыдзи шусьö. Сійö, сідзкö, инкубаторөн шусьö... А көнөс нö колькъясыс?

— Колькъясыс со танi, көрөбас.

— А ноко петкөдлы.

— Но, быдөнлы кө петкөдлыны, то төдөмыс нин некутшöм чипанпаян оз артмыны! Виччысылы, кор ми кутам колькъяссö бергөдлыны, сэки и аддзылан.

— Кор нö тi кутанныд бергөдлыны?

Ми Мишкакөд заводитім артавны, и артмис, мый колькъяссө колө бергөдлыны көкъямыс час рытын.

Костя кольччис виччысьны. Мишка вайис шахмат, и ми заводитім ворсны. Сөмын веськыда кө шуны, то куимөн ворсны шахматөн — сійө медся лёктор, сы вөсна мый ворсны вермөны сөмын кыкөн, а коймөдыс пукалө да висьтавлө то өтиыслы, то мөдыслы. Таысь некор нинөм бурис оз овлы. Тэ кө воан, то тэныд шуоны, мый тэ воин сы вөсна, мый тэныд отсалісны. А ворссян кө, то тэ вылын сералөны да шуоны, мый тэ ворссин, көть и тэныд висьтавлісны. Да, бурджык ворсны шахматнад кыкөн, кор некод оз мешайт.

Коркө и кучкаліс көкъямыс час. Мишка восьтіс инкубатор да заводитіс бергөдлыны колькъяс. Костя лыддис найөс да шуө:

— Дас өти кольк. Сідзкө дас өти чипанпи лоө?

— Кыдзи — дас өти? — чуймис Мишка. — Дас кык вөлі! Кодкө өмөй өти кольк гусяліс? Кутшөм тайө дивө! Унмовсьны он удит, а кольктө гусялөмаөсь нин!.. А тэ мый видзөдін? — уськөдчис сійө ме вылө.

— Да ме, — шуа, — некытчө эг ветлы. Колө выльысь лыддыны: гашкө, Костя сорсис.

Мишка заводитіс лыддыны выльысь, и сылөн артмис дас куим.

— Но вот! — броткис сійө. — Öні весиг өти лишнөй. Коді сійөс татчө сюйис?

Сэки колькъяссө лыдди ме, и артмис стөч дас кык.

— Эк ті, — шуа, — арифмометръяс! Дас кык кольк лыддыны оз вермыны!

— Энлөй,— шуө Мишка.— Ті менө дзикөдз дзугинныд! Ме өти кольк эг бергөд, сөмын ог помнит кутшөмөс.

Сійө кутіс думайтны, а сәки котөрөн воис Майка, адзис инкубаторысь медся ыджыд кольк-сө да шуө:

— Вот этайө кольксьыс кор чипанпиыс петас, менам лоас.

Ми Мишкакөд скөрмим да тодмышкалім сійөс өдзөс сайө:

— Тэ кө ещө көть өтчыд локтан мешайтны миянлы, некутшөм чипанпи он пөлучит!

Майка заводитіс няргыны:

— Сәні менам чашкаясөй сулалөны! Ме верма видзөдлыны!

— Вот ме тэныд петкөдла, кызди тэ видзөдлан!— шуис Мишка да пөдлаліс өдзөссө.

— Мый нө өні вөчны?— шуа ме.— Гашкө, выльысь бергөдлыны колькъяссө?

— Оз, бурджык озков, а то бергөдам найөс бөр важногыс. Бурджык, медым бергөдтөгыс өти коляс. Мөдысь сюсьджыкөн колө лоны.

— А ті пасъялөй колькъяссө, вот и төдны кутанныд, кутшөм кольк бергөдөма, а кутшөмөс абу,— шуис Костя.

— А кызди пасъявнысө?— юаліс Мишка.



— Пасъяв прөстө крестъясөн.

— Ог, ме бурджык номеръяс гижала.

Мишка босьтис карандаш да быд кольк вылө гижалис номеръяс — первойсянь дас кыкөдз.

— Öнi, кор кутам бергөдлыны, став номеръясыс лоасны улынөсь, а мөдысь — номеръясыс бөр лоасны вылынөсь. Тадзтө и огө сорсьöй, — шуис Мишка да пөдлалис инкубаторсö.

Костя лөсьөдчис мунны гортас. Мишка сылы шуö:

— Сöмын тэ школаын некодлы эн висьтавлы, мый миян эм инкубатор.

— Мыйла?

— Зонкаяс мөдасны серавны.

— Мый нö тани сераланаыс? Инкубатор — зэв пöлезнöйтор. Мый вылын тани серавнысö?

— Төдан, кутшөмөсь зонкаясыд: шуасны — ми курөгъяс моз чипанпиянөс пöжам. А друг нинөм оз артмы? Сэки дзикөдз серамвыв лэптасны.

— Мыйла нö оз артмы?

— Мыйыс öд оз вермы лоны... Тайö öд сьöкыд делö. Гашкө, ми мыйкө огө сідзи вöчöй. Тэ нин чöv ов.

— Ладнö,— вочавидзис Костя.— Энö тöждысьöй, ме кута чери моз чöv овны.

### *Майка дежурнöй*

— Но кызди, ставыс лючки-ладнö? — юали ме Мишкалысь асывнас.

— Лючки-ладнö. Сöмын температураыд бара войбыд чинис.

— Тэ сідзкө бара войбыд эн узь?

— Өні ме лои мудер! Ме пункті пöдушка улö будильник, и сійö менö садьмöдлiс быд куим час мысти.

— Мыйла нö температураыс чинiс? Луннас сійö содiс,— шуа ме.

— Ме тöда,— шуö Мишка.— Войнас век ыркыдджык, и инкубаторыс кöдзалö öдйöджык, а луннас лö шоныдджык, та вöсна луннас температураыс содö, а войнас чинö.

— Мый нö миянлы вöчны?— юала ме.— Ми öд школаö мунам. Коди кутас видзöдны градусник бöрся?

— Гашкö, Майкаöс тшöктыны?

Мишка чукöстiс Майкаöс, и ми кутiм корны сійöс, медым сійö школаö ветлiгкостi дежуритiс инкубатор дорын.

— Тöрыт öдзöс сайö тодмышкалiнныд, а талун асьныд коранныд! Вот ог кут дежуритны!— шуис Майка.

— Кывзы,— шуа ме,— чипанпияныд öд куласны. И тэнад чипанпиыд кулас. Ми öд ог ас ради корöй, а чипанпиан ради.

Сэки сійö сöгласитгчiс. И ме заводитi висьтавлыны сылы, мый колö вöчны.

— Со тайö градусник,— шуи ме.— Ртутьыс должен сулавны стöч комын öкмыс градусын. Со аддзан кык цифра: куим да öкмыс. Он вунöд?

— Ог.

Медым сійö эз вунöд, ме босьтi гöрд карандаш да пасйи градусник вылас, кöни должен лоны ртутьыс.

— Видзöд бура, эн вунöд,— шуа ме.— Мыйөн сöмын ртутьыс кайыштас неуна вылö, тэ пыр жö перйы лампа увсьыс öти тетрадь, сэки лампаыс

лэчас и ртутыс градусникас лэччыштас жё.  
Гөгөрвоин?

— Гөгөрвои.

Та бёрын ме велёді сійёс бергёдлыны колькъяс да тшөкті, мыйён кучкалас дас өти час, восьтыны инкубатор да бергёдлыны колькъяс.

Майка ставсё гөгөрвоис. Ме тшөкті сылы выльысь висътавны заданиесё. Сійё висъталіс ставсё правильнёя, и Мишкакөд ми мөдөдчим школаө.

— Но кыдзи, инкубаторыд уджалө?— юалис Костя, мыйён ми пырим классө.

— Ланьт!— скёрысь вашнитіс Мишка да видзөдліс гөгөрбок.

— Да өд ме гусьёник юала.

— «Гусьёник, гусьёник»!— броткис Мишка.— Класстырнас равзан!

— Но, чөв ола, чөв ола... А гашкө, позьё висътавны ребятагы, а?

— Ме тэныд висътала! Сэки миянө эн и лок. Ми тэныд, кыдзи друглы, висъталім, а тэ...

— Но, чөв ола, чөв ола. Төдан, мый ме думышти. Ме висътала естествознание урок вылын Марья Петровнагы, мый ті инкубатор вөчинныд. Марья Петровна ошкыштас тіянёс.

— Видлы сөмын! Өд пыр жё став челядыс кывласны.



— Но, чөв ола, чөв ола! Чери моз чөв ола!

Костя тупкис кинас вомсö да вешйис. Вöлі тöд-чө, мый сылөн кывйыс сідзи и лудö да окота висьтавны кодлыкö мян инкубатор йылысь.

Заводитчисны урокъяс. Мишка пыр волнуйтчис. Öти здук эз вермы пукавны спокойнöя.

— А друг Майка мянтöг сәні мыйкö торкас?

— Мый нö сійö вермас торкны?

— Но, оз видзöд градусник бöрсяе.

— Ме öд сылы ставсö бура висьталі.

— А друг сылы дышöдас пукавны гортын да сійö мунас гуляйтны?

— Мыйла нö сійö мунас, кöсйысис кö пукавны?

— А друг сійö перъялас инкубаторсьыд ассье чашкаяссö?

— Оз перъяв.

— А друг лампочкаыс сотчас? Сәки мый вöчан?

Естествознание урок вылын Марья Петровна казяліс, мый ми Мишкакөд дугдывтöг сёрнитам, да пуксьöдіс мянöс разнöй партаяс сайö. Мишка пукаліс кымөр кодь букыш да видзöдлывліс ме вылö класс мөдар помсянь. А сәки Костя пуктіс кисö вом дорас да гораа шöпнитіс:

— Кывзы! Ме öні висьтала Марья Петровна-лы инкубатор йывсьыд.

Мишка кутіс дзөрны места вылас да зэв скöрысь вашнитіс:

— Вот ме тәныд висьтала, изменник!

Но Костя ләптис нин кисö.

— Мый тә кöсьян висьтавны? — юаліс Марья Петровна.

Мишка петкөдліс Костялы кулаксö.

— Марья Петровна, а мый сэтшөм инкубаторыс? — юалис Костя.

Марья Петровна заводитис висьтавны инкубатор йылысь. Сійö висьталіс, мый йöз важөн нин велалісны чипанпиянöс пöжны курöгтöг, колькъяссö колана температураöдз шонтöмөн. Древньюй Египетын да Китайын на, кык тысяча во сайын, йöз вöчавлісны инкубаторьяс да пöжлісны чипанпиянöс. Раскопкаяс нуöдигөн учёнöйяс аддзöны муысь помещениеяс, көні древньюй египтяна вöчлісны асьыныс инкубаторьяс. Дерт, сэки инкубаторьясыд вöліны ичöтикöсь и чипанпиянтö сэні пöжлісны эз уна, но öні миян эмöсь сэтшөм инкубаторьяс, кытчö öтпырйö пуктöны некымын тысяча кольк.

— А менам эм кык тöдса детинка, — шуис Костя. — Найö асьныс вöчисны инкубатор. Кыдзи ті думайтанныд, чужасны налөн чипанпияныс али оз?

— Ас вöчөм инкубаторын чипанпиянтö пöжны позьö, сöмын тайö зэв сьöкыдтор, — шуис Марья Петровна. — Фабрикаын вöчөм инкубаторьясын эмöсь быдсикас приспособлениеяс, кодьяс регулирүйтöны температура да влажность, а ас вöчөм инкубаторын став бөрсяыс колö внимательнöя следитны. Ребята кө старайтчысь-öсь да дисциплинированнöйöсь, то налөн чипанпияныд чужасны, а



миан Миша да Коля кодьось кӧ, то нинӧм оз артмы.

— Мыйла нӧ сійӧ миан оз артмы?— эз вермы кутчысьны Миша.

— Сы вӧсна мый тӧ недисциплинированнойсь: весиг классын онӧ вермӧй кызди колӧ пукавны,— шуис Марья Петровна да кутис водзӧ висьтавны урок.

Урокъяс бӧрын мианӧс сувтӧдис Витя Смирнов да шуис, мый талун миан ӧчередь дежуритны живӧй уголокын.

— Мый тэ, мый тэ!— кутис шенасьны Мишка.— Кутшӧм сәні живӧй уголок! Миянлы некор.

— Тӧянлы век некор! Гижсинныд кружокӧ, а онӧ воливлӧй. Ӑнӧ медся пӧсь кад. Тулыс! Колӧ скворешняяс вӧчны.

— Ми бӧрынджык кутам скворешняястӧ вӧчавны.

— Кор «бӧрынджыксӧ»? Регыд лӧбачьяс воасны.

— Оз воны.

— Кызди сӧдз «оз воны»? Лӧбачьяс оз мӧдны тӧянӧс виччысьны.

— Но, неунатӧ виччысьыштны позяс,— шуис Мишка.

И ми котӧртим гортӧ.

Гортын ставыс вӧлі лючки-ладнӧ. Лампочка абу согчӧма, температура вӧлі нормальной.

Майка пукаліс инкубатор дорын. Ми ошкыштим сійӧс да лӧдзим гуляйтны.

## Ставыс пропадзіце!

Сійо кадсянныс мян заводитчис збыльвыло трудовой олом. Лун и вой колө вөлі видзодны температура бөрся да быд куим час мысти бергөдлыны колькьяс. Консерв банкаысь да пу чашка-ясысь ваыс өдийо косьмис, и ковмис частө содтавны свежой ва. Уджыс быттьө абу сьокыд, но ковмыліс пыр лоны дасьон. Мыйон сөмын прөзевайтан, пыр жө мый-нибудь лоө: либө температура содас, либө вунөдан колькьяссө бергөдлыны. Ни өти здук кежлө оз позь вунөдны инкубатор йылысь.

Торйон нин сьокыд вөлі Мишкалы, сы вөсна мый сылы ковмыліс дежуритны инкубатор дорын войнас. Та вөсна сійо пөттөдзыс эз узьыв да лунтыр ветлөдліс арся гут кодь унзіль. Обед бөрын сійо частө унмовсьывліс кухняын кушетка вылө, и ме век рисуйтлі сійөс узигас.

Тадзи колис вит сутки. Квайтөд луннас Мишка эз вермы кутчысьнысө да төдлытөгыс унмовсис урок вылын. Таысь сылы сюрис Надежда Викторовнасянь, и став классыс сераліс сы вылын.

Дерт, Мишкалы вөлі забеднө. Быдөн радейтө сералыштны кодкө вылын, но некод оз радейт, кор сералөны ас вылас.

Ставыс эськө вөлі ладнө, но буретш тайө лунас ме вайи школаө ассьым альбомөс, медым петкөдлыны детинкаяслы, кыдзи ме рисуйтча. Детинкаяс аддзисны рисунокьястө да гөгөрвоисны, мый ме рисуйті Мишкаөс, коді узис разнойногөн: и водсөн, и пуксөн, и чуть ли эз сувтсөн.

— Да тэ узьом кузя чемпион!— шуис Мишкалы Лёша Курочкин.

— Мирөвөй рекордсмен!— содтис Сеня Бобров.— Узьö суткинас кызь нель час!

Альбом мөдөдчис кыись киö. Быдөн видзөдичис сийöс да сералисны кочкавтөдзис.

— Тэ мыйла вайин татчө тайö идиотскöй альбомсö?— уськөдчис ме вылө Мишка.

— Мыйөн нө ме төдi, мый ребята серавны кутасны?— шуа ме.

— Эн төд! Нарошнө тадзсö вöчин, медым став классыс ме вылын сералис! Бур тай друг! Төдны эсся тэнö ог кöсйы!

— Честнöй кыв, ме эг нарошнө! Төдi кö эськö, мый тадзи артмас, эг и рисуйт эськö тэнö,— дорйиси ме.

Но Мишка лунтыр дузьялис ме вылө. Рытнас сийö шуис:

— Вот босьт инкубатортö да дежурит войнас, сэк төдмалан, кызди ме вылө карикатураястö рисуйтны.

— Мый нө,— шуа ме,— тэ вит вой нин дежуритин, öнi ме вит вой дежурита. Öчередьөн кутам дежуритны.

Ми нуим инкубаторнымöс ме ордö, и сэксянь заводитi мучитчыны ме.

Рытсаяныс ме пуктыли пöдушка улö будильник, и войнас сийö заводитлис таргыны пель водзын. Ме чеччыли лунатик моз, петавли кухняö, прöверитли температура, бергөдли колькьяс да водли бөр. Унаысь ме эг вермыв дзик пыр унмовсьны да дыр бергавли вольпась вылын, а мыйөн заводита вöли унмовсьны, бара нин таргö будильник, и ме дась вöли швачнитны сийöс джодж бердö, медым сийö меным эз мешайт узыны.

Быд асыв ме садьмылі унзіль да о́два чеч-  
чывлі вольпасьысь. Пасьтасьлі, быттьо вoтoн, и  
весиг эг гoгoрволы, мый ме вoча: гачoс заводитлі  
кoмавны юр пыр, дoрo-  
мoс кoмавлі гач пыдди.  
Oтчыд ме весиг дзуги  
башмакъясoс да веськыд  
кoкo кoмалі шуйга баш-  
макoс, а шуйгаас — весь-  
кыдсo да сідзи и вoи  
классo. Детинкаяс казя-  
лісны тайoс да заводитіс-  
ны серавны. Кoвмис ме-  
ным выльысь кoмасьны  
урок дырйи.



Но медся ыджыд шо-  
гыс лои дасoд войнас. Либo ме вунoдi заведитны  
будильниксo, либo эг кывлы звoнитoмсo. Рыт-  
сяньыс ме водi да садьми сoмын асывнас, кор  
вoлі дзик нин югыд. Первойсo ме весиг эг гo-  
гoрво, мый лои, сeсся уси дум вылo, мый ньoтчыд  
эг садьмыв войнас, да садьтoг уськoдчи инкуба-  
тор дoрo. Градусник петкoдліс комын сизим гра-  
дус. Быдса кык градус вылo этшаджык! Ме oдйo-  
джык суйи лампа улo кык тетрадь да пыр жo ду-  
мышті:

«Мыйла ме тайoс вoча? Кoлькъясыс oд кoдза-  
лісны, и oнi, кoнкo, ставыс нин пропадитіс! Дас  
лун ми мырсим шoйччывтoг; колькъяс пытшкас,  
дерт, быдмисны нин гырысь зародышъяс, а oнi ме  
вот ставсo вии!»

Дoзмoмoйла меным вoлі oкота нoйтны ачымoс,  
и ме кучки аслым юрпыдoсo.

Градусникын ртутьыс ньөжйөникөн кутис кыптыны да вочасөн воис комын өкмыс градусодз. Ме жугыля видзөді градусник вылө да думайті:

«Но вот, температура нормальнөй, ортсысяньыс колькъяс важкодъысөсь жө, а на пытшкын, навернө, олөмыс абу нин, и наысь некор оз чужны чипанпян!»

Сэсся ме мөді думайтны, мый, гашкө, нинөм опаснөйыс эз ло. Гашкө, зародышъясыс эз на удитны кувны. Но кызди төдмавны тайөс? Дзик өти төдмалан туй — водзө шонтыны колькъяссө, и кызь өтиөд лунас кө наысь чипанпян оз чужны, сідзкө найө пөгибнитисны. А вермас лоны, найө и эз пөгибнитны. Та йылысь ме төдмала сөмын дас өти лун мысти.

«Со тэныд и артмис ичөтик гажа семья! — шогси ме. — Дас кык чипанпи пыдди, навернө, ни өти оз ло!»

Сэки воис Мишка. Сийө видзөдліс градусник вылө да радпырысь шуис:

— Красота! Температура нормальнөй. Делөыс бура муно! Оні менам өчередь войясын дежуритны.

— Абу, ме ачым кута дежуритны, — шуа ме. — Мыйла тэныд весьшөрө мучитчыны?

— Кыдзи весьшөрө?

— А друг чипанпян оз чужны?

— Но и мый нө, оз кө чужны... Он жө кут тэ өтнадөн мучитчыны: раз ми другъяс, то ставсө шөриөн.

Ме эг төд, мый шуны Мишкалы. Менам эз тырмы смеллунөй висътавны сылы, и ме решиті чөв овны, көть тайө, дерт, зэв омөльтор.

## Отрядлөн сбор

Костя быд лун пыравліс миян ордö, а бöрын-нас висьтавліс детинкаяслы, кыдзи мунö чипан-пиян пöжөм. Сöмын сійö эз висьтавлы, мый тайö ми Мишкакөд вöчим инкубаторсö. Сійö сочинитіс, мый тайö кутшöмкö мукöд детинкаяс, мөд школаысь.

Отчыд Витя Смирнов шуис:

— Тэ эськö мед тöдмөдін менö сійö детинкаяс-ыскöд.

— А тэныд мыйла?

— Прöстö интереснö видзöдлыны, кутшöмөсь найö. Вот эськö сэтшöмьяссö миян юннатскöй кружокö! Миян эськö сразу уджыд мөдöдчис. А то Миша да Коля кодь детинкаясыдкөд нинөм бурыс оз артмы: дежуритны оз кöсйыны, пуяс колö вöлі садитны — эз мунны, скворешняяс оз вöчны...

— А найö пуястö эз жö садитны,— шуис Костя да мигнитіс меным да Мишкалы.

— Но, найö — сійö мөд делö: налөн и пуястöгыс, кöнкö, юрвытырыс уджныс.

Витя эз и дöгадайтчы, мый Костя висьтавліс Мишка йылысь да ме йылысь.

А миян и збылысь вöлі юрвытыр удж: инкубатор вöснаыд ми дзикöдз энөвтім урокъяс-нымöс да арифметикаысь пöлучитім двойкаяс.

Менö корис Александр Ефремович да сыысь, мый эг куж решитны задача, пунктіс двойка. Сэсса сійö корис Мишкаөс да пунктіс сылы двойка плюсөн. Дерт, ми уроксö эгö төдöй, но кыдзкö век жö вöлі öбиднö пöлучитны омоль öтметкаяс.

— Тэныд абу на сэтшөм өбиднө,— шуис Мишка:— тэнад прөстө двойка, а менам двойка плюсөн.

— Ме ногөн, двойка плюсөн век жө бурджык прөстөй двойка дорысь,— шуа ме.

— Немтор тэ он гөгөрво! Но висьтав, двойка дорө кө содтан плюс, сыысь өмөй сийө лоас тройкаөн?

— Оз, сийө двойкаөн и коляс.

— Мыйла нө плюсыс содтысьсө?

— Ог төд.

— А ме төда. Плюссө пуктөны сы могысь, медым тэ эн думайт, мый тэнө весь кедзовтисны. Вот — весиг плюстө тэныд эз жалитны! Мый вылө өтветитін, сы мында и пуктисны.

— Мый нө тани өбиднөйыс?

— Кыдзи «мый өбиднөйыс»? Өбиднө сийө, мый тэнө лыддьоны бөбөн. Төлка мортлы позьө пуктыны прөстө двойка — сийө и сідзи гөгөрвоас, мый нинөм оз төд, а бөбыдлы колө пуктыны двойка плюсөн, мед сийө эз чайт, быттьө сийөс весь кедзовтөны. Сийө и өбиднө, мый тэнө лыддьоны бөбөн. А то ещө овлө двойка минусөн,— висьтавліс Мишка.— Мыйла тайө? Двойка — сідзкө тэ нинөм он төд. А позьө өмөй нинөм дорысь этшаджык төдны?

— Оз,— сөгласитчи ме.

— Вот аддзан!— радліс Мишка.— Двойка минусөн петкөдлө, мый тэ не сөмын нинөм он төд, но и төдны нинөм он көсйы. Тэ кө прөстө эн велөд урок, тэныд пуктасны двойка, а тэ кө известнөй лодырь, то тэныд колө пуктыны двойка минусөн, медым тэ чувствуйтін. А то ещө овлө единица...— водзө больгис сийө.

Но сылы сідзи эз и удайтчы висьтавны единица йылысь, сы вöсна мый Александр Ефремович пуксьöдiс мянöс разнöй партаяс сайö.

Медбөрья перемена дырйи Женя Скворцов шуис:

— Урок бöрын, ребята, кольччöй! Лоö отрядлөн сбор.

— Ми ог вермöй: мянлы некор,— шуим ми Мишкакöд.

— Колö кольччыны,— шуис Женя:— вопросыс лоö тiян йылысь.

— Мыйла мян йылысь? Мыйла мян йылысь вопросö сувтöдны? Мый ми сэтшöмсö вöчим?

— Сбор вылын сёрнитам,— шуис Женя.

— Видзöдтö!— шуис Мишка.— Тайö нö нин ещö мый: он удит двойка пöлучитны, кызди тэ йылысь нин вопрос! Думайтö, сiйö отрядса председатель да вермö быдөн йылысь вопрос сувтöдны! Нинöм, вот сiйö коркö пöлучитас двойка, мед и ас йывсьыс вопрос сувтöдö.

— Сiйö оз пöлучит: сiйö бура велöдчö,— шуа ме.

— А тэ мый сiйöс дорьян?

— Да ме ог дорйы.

— Вот, öнi ковмас кольччыны!— шуö Мишка.

— Немтор,— шуа ме.— Инкубатор бөрсяд Майка видзöдас.

Урокьяс бöрын ми кольччим отрядлөн сбор вылö.

— Мян талун успеваемость да дисциплина йылысь вопрос,— шуис Женя Скворцов.— Бөрья кадö öткымын ребята омöля кутöны асьнысö урокьяс вылын: бергалöны, сёрнитöны, мешайтöны мукöдлы. Торья нин ёна сёрнитöны Миша да

Коля. Найос та вöсна некымынысь нин янсöдлис-ны. Кытчö тайö туйö? Тайö некытчö туйтöмтор! А талун нин дзикöдз отличитчисны: морт öти двойкаöн пöлучитисны.

— И ньöти эгö морт öти двойкаöн! Менам двойка плюсöн,— шуис Мишка.

— Абу ыджыд торъялöм!— вочавидзис Женя.— Тiян и мукöд предметъясысь öтметкаяс-ныд лоины омöльдзыкöсь.

— Миян мукöд предметъясысь двойкаясыс абуöсь, сöмын русскöйысь менам тройка,— вочавидзис Мишка.

— Сылöн тройка минусöн,— висьталис Ваня Ложкин.

— А тэ эн суитчы, кор оз юавны!— шуис Мишка.

— Мыйла «эн суитчы»? Ме верма сёрнитны: талун отрядлөн сбор.

— Вот босьт кыв да и висьтав.

— И босьта! Чайтан, ог босьт!.. Ребята, ме лыддя, мый налөн омöль успеваемостьыс сы вöсна, мый найö гортаныс оз велöдны урокъяссö. Налы мыйкö мешайтö велöдчыны. Мед найö висьталас-ны, мый налы мешайтö.

— Но, мый тiянлы мешайтö велöдчыны?— юалис Женя.

— Нинöм миянлы оз мешайт,— вочавидзис Мишка.

— Ме тöда, мый налы мешайтö,— шуис Лёша Курочкин:— найö сёрнитöны да оз кывзыны урокъяс, а гортаныс омöля жö гötöвитчöны. Ме ногөн, найос век кежлö колö торйöдны, мед найö эз сёрнитны.

— Мыйла мянӧс торйӧдны?— шуис Мишка.—  
Ми дружитам... Сыысь, мый ми дружитам, мян-  
ӧс торйӧдны?

— А мый вӧчны тiянкӧд, дружитӧмыс кӧ вред  
вайӧ?— шуис Сеня Бобров.

Сэки мян дор сувтiс Костя:

— Дружба ӧмӧй вермас вред вайны? Друж-  
ба некор оз вредит.

— А налӧн сэтшӧм дружба — мый ӧтиыс, сийӧ  
и мӧдыс: ӧтиыс сёрнитӧ, и мӧдыс сёрнитӧ; ӧти-  
ыс оз кӧсйы вӧчны урокъяс, и мӧдыс сiдзжӧ; ӧти-  
ыс пӧлучитiс двойка, и мӧдыс сэн жӧ. Торйӧдны  
найӧс, и ставыс!— шуис Витя Смирнов.

— Энлӧй, ребята,— шуис Костя.— Торйӧн  
пуксьӧдны вевъялам. Гашкӧ, отсавны налы колӧ?  
Гашкӧ, налы урокъяссӧ вӧчны некор?

— Мыйла нӧ налы некор?

— Но, гашкӧ, найӧ кутшӧмкӧ важнӧй делӧӧн  
занимайтчӧны?

— Кутшӧм важнӧй делӧӧн?— серӧктiс Сеня  
Бобров.

— А гашкӧ, найӧ инкубатор вӧчӧны!


— Найӧ? Инкубатор?— серӧктiс Сеня.

— А мый тэ думайтан? Гашкӧ, найӧ войяссӧ  
оз узлыны — температура бӧрся видзӧдӧны!  
Гашкӧ, найӧ лунтыр уджалӧны, а ми найӧс ви-  
дам! Гашкӧ...

— Да мый тэ «гашкӧ» да «гашкӧ»!— скӧрмис  
Женя.— Мый найӧ, збыльысь инкубатор вӧ-  
чисны?

— Вӧчисны,— шуис Костя.

— Найӧ вӧчисны сiдзи сийӧ детинкаясые моз,  
кодъяс йылысь тэ висьтавлiн,— шуис Витя.



— Сідзко, ті інкубаторсё вёчинныд?

— Эз,— шуис Костя,— тайö сійö ребятаыс и эмöсь, кодьяс йылысь ме висьтавлі.

— Найö?

— Но да.

— Да öд тэ висьтавлін, мый найö мöд школаысьöсь!

— Но, ме сійöс прöстö висьтавлі.

Сэки ставөн кытшалісны менö да Мишкаöс.

— Сідзкö, ті инкубаторсö вöчинныд?

А Витя Смирнов шуис:

— Тайö некытчö оз туй! Настоящöй юннатьяс тадзи оз вöчлыны! Вöчисны инкубатор и чöv олöны... Тайö уджыс öд став челядсьö интересуйтö. Мыйла ті гусьөн вöчанныд?

— Да ми чайтім — ті серавны кутанныд,— шуам ми Мишкакöд.

— Мый вылын нö тані серавнысö? Мый тані серампетанаыс? Мöдарö, ми эськö отсалім тиянлы. Дежурство эськö лöсьöдім. Тиянлы эськö кокниджык вöлі и велöдчинныд эськö бурджыка.

— Ребята,— шуис Вадик Зайцев,— вайö ку-тамö шефствуйтны инкубатор вылын.

— Правильнö!— горöдісны ставөн.

Витя шуис, мый пыралас миянö öбед бöрын, ми лöсьöдам дежурнöйяслысь список да сёрнитчам шефскöй удж йылысь.

Та вылын отрядлөн сбор помасис.

### *Шефскöй удж*

Öбед бöрын миян кухняын чукöртчис пöшти ставнас юннатскöй кружок. Ми петкöдлім ребята-талы ассыным инкубаторнымöс, висьталім,

кыдзи сійӧс шонтам, кыдзи прӧверяйтам температура, кыдзи бергӧдлам колькъяс. Сэсся ми заводитім тӧлкуйтны, кыдзи котыртно дежурство. Витя Смирнов вӧзйис гижны дежурнӧйяслы правилӧяс. Со кутшӧм правилӧяс миян артмисны.

Индӧм луно школа бӧрын локтӧны кык дежурнӧй, ми Мишкакӧд сетам индӧдъяс, мый колӧ вӧчны, и найӧ кольччӧны инкубатор дорӧ рытӧдзыс. Обедайтны да урокъяс вӧчны дежурнӧйяс ветлӧны ӧчередьӧн. Дежурнӧйяслӧн мог — видзӧдны, ме-дым ми Мишкакӧд эгӧ ноксьӧй инкубатор дорын, а ас кадӧ вӧчим урокъяс.

Сэсся Витя лӧсьӧдӧс дежурнӧйяслысь список да индӧс, кодлы кор дежуритны. Тайӧ списоксӧ ми ӧшӧдӧм стенӧ.

— А мыйла ми абуӧсь спискас? — шуӧ Мишка. — Ми ӧд кӧсьям жӧ дежуритны.

— Да ӧд тӧянлы ковмас инкубатор бӧрсяйд видзӧдны войнас, — шуис Витя: — войнас ӧд дежуритнытӧ лоӧ некодлы.

Та бӧрын Женя ыстӧс миян ордысь став детинкаяссӧ.

— Верманныд мунны, ребята, — шуис сійӧ. — Кольччасны сӧмын дежурнӧйяс, а мукӧдыслы нинӧмла мешайтчыны.

Ребята разӧдчисны. Колисны дежурнӧйяс Женя да Витя да ми Мишкакӧд.

— И тӧ мунӧй, — шуис Женя, кор ставныс мунӧсны.

— Кытчӧ нӧ ми мунам? — шуам ми.

— Мунӧй урокъяс вӧчны.

— А друг танӧ мыйкӧ лоас?

— Нинӧм оз ло. Мыйкӧ кӧ лоас, ме тӧянӧс чукӧста.

— Но, сідзкө непременно чукөст.

Ковмис миянлы Мишкакөд пуксыны вöчны урокъяс. Ми вöчим русскöй кыв кузя упражне-ние, велöдiм география да арифметикаысь реши-тим öти задача, а мöдыс вөлöма сьöкыд. Ми сийöс колим рыт кежлас да локтим кухняö.

— Но мыйла тi локтинныд? Тiянлы жö шуö-ма, медым тi занимайтчинныд!

— А ми ставсö нин вöчим.

— Нолтö петкөдлöй тетрадьяснытö.

— Тайö ещö мыйся прöверка?— шуö Мишка.

— Но, ми öд босьтчим шефствуйтны тiян вы-лын — сідзкö, ставсö колö прöверяйтны.

Ми вайим тетрадьяснымöс.

— Мыйла нö сöмын öти задача решитинныд? Кыкöс öд сетöма.

— Ми мöдсö бöрынджык решитам.

— Оз позь, вöчны кö нин, то сразу. Öнi энö решитöй, а сэсся вунöданныд да школаö локтан-ныд тыртöм тетрадьясөн.

— Мыйла «тыртöмөн»? Öти задачасö öд решитим.

— Вöчны кö нин, то помöдз,— шуис Женя.— Тöданныд пöслöвича: «Эштис делö — гуляйт смела».

Ковмис миянлы мунны бөр да пуксыны ре-шайтны задача. Но миян некыдз эз артмы öт-ветыс. Ми мырсим задача вылас быдса час да лок-тим кухняö.

— Оз артмы задачаыс,— шуö Мишка.— Ми ставсö правильнöя вöчим, а öветыс оз лöсяв. На-вернö, книгаас öветыс неправильнöй.

— Нинöм книга вылö элясьны!— шуö Женя.

— Честной кыв, менам оти случай вöвлі нин, кор книгаас öтветыс неправильной вöлі.

— Оз вермы лоны!— шуö Женя.— Дзик пыр прöверитам.



Сійö петіс миянкöд комнатаö да заводитіс прöверяйтны задачасö. Мырсис, мырсис — ставыс правильно, а öтветыс оз лöсяв.

— Вот аддзан, ме шулі!— радліс Мишка.

Но Женя шуис, мый местасыс оз чеччы, кытчöдз öшибкасö оз аддзы.

Заводитіс прöверяйтны первойсянныс да медбöрти аддзис.

— Со сійö,— шуö.— Сизимысь сизим уна-ö, тiян ногөн, лоö?

— Нелямын öкмыс.

— А тiян мый гижöма? Кызь öти!

Сійö исправитіс öшибкасö, и ставыс артмис правильноя.

— Тайö тiян невнимательность ради,— шуис сійö да муніс инкубатор дорö.

Ми выльысь гижим задачасö да бөр мунім кухняö.

— Ми ставсö нин вöчим,— шуам ми.

— Но, сідзкö мунöй гуляйтны. Ывлаын пöлезнö жö олыштны.

Ми Мишкакöд öбидитчим да петім ывлаö. Поводдяыс вöлі мича. Ребята заводитісны ворсны волейболөн, ми тшöтш ворсім накöд, а сэсса пырим Костя Десяткин ордö, а сы ордö воис Вадик

Зайцев, и ми нельён рытөдзыс ворсім лотоён да мукөд ворсанторъясөн. Гортө ми воим сёрөн да кухняысь, Женя да Витяысь кындзи, аддзим Ваня Ложкинөс. Сійө, вөлөмкө, вөйысьома мамыслысь дежуритны войнас.

— Мый нө тайө татшөмыс,— шуө Мишка.— Сидзкө, өні миянлы дзик некор оз ковмы дежуритны! Талун тэ, а аски кодкө мөд вөйысыс. Ме тадзитө ог сөгласитчы!

— Но ладнө,— шуис Витя,— ме тиянөс гижасписокө мукөдъясөс моз жө.

И пасийс миянөс списокас медся бөръяясөн. Мишкакөд ми заводитім артавны, кор миянлы воас өчередь дежуритны, и артмис, мый миянлы веськалөма медся шуда дежурство, кызь өтиөд лунас. Буретш сійө лунас, кор чипанпийан чувасны!

### *Медбөрзя лөсьөдчөмзяс*

Медбөрти ми Мишкакөд лолыштім кокниджыка! Водзти миянөс быттьө вөлі домалөма инкубатор дорө. Миянлы ковмыліс век думайтны, кыдзи эськө не прөзевайтны мыйкө и быд здук лоны дасьөн. Любөй мукөд удж мешайтліс миянлы, и юраным миянлы нинөм эз пыравлы. Зато өні делөыс зэв бура муніс и миянтөг.

Ми заводитім активнөя уджавны юннатскөй кружокын: дежуритім живөй уголокын, вөчим кык скворешня да өшөдім найөс миян садйө пуяс вылө, уджалім школабердса участок вылын — садитім цветъяс да пуяс. А медся главнөйыс вөлі сійө, мый өні ми исправнөя вөчим урокъяс. И менам и Мишкалөн мамъяс аддзисны, мый ми заво-

дитім бурджыка велөдчыны, и найö вөліны дөвө-ленөсь, мый мянө волывлөны ребята да отсалөны следитны инкубатор бөрся.

Юннатъяслөн кружок занятие вылын Марья Петровна висьталіс мянлы, кызди лөсьөдчыны выльысь чужөм чипанпиянөс примитігкежлө, да сөветуйтіс көдзны кутшөмкө турун, медым мян чипанпиянлы пыр вөлі свежөй веж көрым. Сійö висьталіс, мый медся бур көдзны зөр, сы вөсна мый сійö медся пөтөс да өдйö быдмө.

Ставөн кутім думайтны, кытысь корсьны зөр.

— Колө мунны лэбачьяс вузавлан базар вы-лө,— шуис Ваня Ложкин.— Сэні вузалөны лэбачья-яслы разнөй көрым. Гашкө и зөр эм.


Урокьяс бөрын Ваня да Женя мунісны лэ-бачьяс вузавлан базар вылө да час кык мысти воисны, зепьясас вайисны зөр.

— Ньөбинныд?— нимкодь лои мянлы.

— Мый ті! Сійөс өмөй кыськө ньөбан? Зөрйыс некөн абу. Ми базарсө ставнас кытшовтім — быд-тор вузалөны: и көнтусь, и проса, и репей көйдыс эм, а зөр абу. Ми көсйим нин локны гортө, но ре-шитім ветлыны видзөдлыны кроликьясөс. Воим сэтчө, а сэні вөв сулалө да мешөкысь сөйö зөр. Но, ми и корыштім неуна зөрсө.

— Кызди, вөлыслысь коринныд?— чуймис Мишка.

— Да эгө вөлыслысь! Колхозниклысь. Сійö вайөма вузавны кроликьясөс. Бур колхозник весь-каліс! Сөмын первойсө эз көсйи сетны зөрсө. «Мыйла тіянлы зөрйыс?»— юалө. А ми шуам: «Чипанпиянлы». Сійö шуө: «Чипанпиянтө зөрйөн оз вердлыны». Сэки ми висьталім сылы, мый көсьям зөрсө көдзны, медым сыысь турун быдмис.



Сәки сійö шуö: «Босътöй». Но, ми и сөвтiм зепъясö.

Ваня да Женя ректiсны зепъяссыныс зөр.

Ми тәрыба тувъялiм фанераысь кык ляпкы-дик ящик, пуктiм сэтчö му, киськалiм ваөн да гудралiм сiдзи, медым лои кизьөр няйт кодь.

Сәсся веськыда тайö няйтас кöдзим зөр, ещö ötчыд буриника гудралiм да пуктiм ящикъяссö пач улö, медым кöйдысьясыслы вöли шоныдджык.

Марья Петровна висьталiс миянлы, мый быд-мөгъяслөн кöйдысьясыс лэбач колькъяс моз жö — ловъя ловъяс. Олöмыс сiдзжö вугралö-узьö кöйдыс пыткас, но кор кöйдыс веськалö шонид, васöд муö, олöмыс сәни ловзьö да заводитö развйайтчыны. Быд ловъя лов моз кöйдысьяс вермöны кувны, и сэтшöм кöйдысьясыс оз нин вермыны чужны.

Ми зэв ёна полiм, мед эськö миян кöйдысным эз вöv «кулöмаөн», и быд здук видзöдлiм ящикъ-

ясö. Колис кык лун — кйдысьяс эз чужны. Коймод лунас ми казалим, мый ящикьясын муыс потласьöма да кызкö аслысногөн польдчöма.

— Мый тайö?— чуймис Мишка.— Коді тані вредитіс? Коді гудйис мусö?

— Некод эз гудйы!— вочавидзис Лёша Курочкин, коді дежуритіс Сеня Бобровкөд.

— Мыйла нö муыс быттьö гөрöма?— горөдіс Мишка.— Тайö, конкө, ті тані гудйисинныд, медым видзөдлыны кйдысьяссö!

— Да эгö гудйисьöй ми,— шуö Сеня.— Мыйла миянлы найöс видзөднысö?

Ме босьті му комөк да аддзи сы улысь зөр кйдыс. Сійö ёна польдöма да потöма, а помйылас тыдалыштіс еджыдик ныр. Мишка перйис жö муысь еджыд ныра польдөм кйдыс. Сійö дыр видзөдіс да друг горөдіс:

— А, гөгөрвоа: тайö асьныс найö мусö гудйöмаöсь!

— Кодьяс «найö»?

— Кйдысьясыс!

— Найö ловзьöмаöсь да петöны нин му пытшсьыс. Видзөд, кызди муыс польдчöма. И сәні, му пытшкас, налы лоö дзескыд.

Мишка өдйөджык котөртіс корны ребятаөс, медым петкөдлыны налы, кызди чужöны кйдысьяс. Ми Лёшакөд да Сенякөд перйим ещö некымын кйдыс. Ставныс найö заводитöмаöсь нин чужны. Регыд котөрөн воисны и мукөд детинкаяс. Быдөнлы вöлі окота видзөдлыны кйдысьяс вылö.

— Видзөдлөй, ребята,— шуис Витя Смирнов:— кйдысьясыс потласьöны, и наысь быттьöкө мыччысьö зөр.

— А тэ мый думайтан?— вочавидзис Мишка.— Зөрйыс өд ловъя жö; сöмын сійö быдмас да кутас сулавны öти местаын; а кор чужасны миян чипанпиян, найö кутасны котравны, чипсыны да корны миянлысь сёян. Вот аддзыланыд, кутшöм гажа семья миян лоас!

### *Медся сьöкыд лун*

Отвылысь уджавны вöли гажа, и бөръя луньясыс колисны öдйö. Коркö и воис кызь öтиöд лун. Тайö вöли пятницаö. Чипанпиянöс примитигежлö миян ставсö нин вöли дасьтöма. Ми аддзим сарайысь ыджыд кастрюля да вöчим сыысь грелка — пыткас вольсалим гын, медым сэнi чипанпиянлы вöли шоныд. Öни тайö грелкаыс вöли пöсь ва тыра чугун вылын — ковмас кö, медым пыр жö пуктыны чипанпиянöс грелкаö.

Рытсаянныс ми Мишкакöд сөвсем эгö кöсйöй водны, но тайö войнас Вадик Зайцев вöзйысьöма мамыслысь, и мамыс лэдзöма сійöс дежуритны инкубатор дорын.

— Кутшöм нö ме лоа дежурнöй, тi кö войбыд кутанныд пукавны ме дорын?— шуис Вадик.— Тi нин, пöжалуйста, бурджык мунöй водöй.

— А друг чипанпияныс кутасны войнас чужны?

— Но и мый? Чипанпиыд кö чужас, ме сійöс кастрюляö бац и мед сэнi косьмö.

— Кыдз сійö «бац»?— шуа ме.— Чипанпияныдкöд колö осторожнöя вöдитчыны!

— Ме осторожнö и кута, энö тöждысьöй. А тi бурджык водöй узыны. Аски öд тi дежуританныд.

Кыдзи нө ті кутанныд дежуритны, войнас кө онө узыбй?

— Ладнө,— шуө Мишка.— Сөмын тэ, пөжалуйста, садьмөд мянөс, кутасны кө чипанпияныс чужны. Ми өд кымын лун виччысим тайө здуксө!

— Ладнө, садьмөда,— сөгласитчис Вадик.

Ми мунім узыны, сөмын тайө вояс ме дыр эг вермы унмовсьны, сы вөсна мый төждыси чипанпиян вөсна. Асывнас ме садьми югдигас да пыр жө котөрти Мишка ордө. Мишка вөлі чеччөма жө нин. Сийө пукаліс инкубатор дорын да внимательнөя видлаліс колькъяс. Сийө аддзис менө да шуис:

— Ни өти на эз чуж.

— Оні, навернө, водз на,— вочавидзис Вадик.— Найө сөрөнджык кутасны писькөдчыны.

Регыд мысти Вадик муніс гортас, сы вөсна мый войыс помасис нин да оні заводитчис мян дежурство. Кор Вадик муніс, Мишка решитіс ещө өтчыд видлавны став колькъяссө. Ми заводитім бергөдлыны найөс да гөгөрбок видлавны — абу-ө кутшөмкө колькйын ичөтик розь, кодөс должен вөлі пытшкөссяныыс писькөдны чипанпи. Но став колькйыс вөлі дзонь. Ми пунктім инкубаторнымөс да дыр пукалім шынитөв.

— А мый, жугөдны кө кольксө да видзөдлыны, эм абу сәні чипанпийыс?— шуа ме.


— Оні оз на позь жугөднытө,— шуис Мишка.— Чипанпийыд лолалө кучик пырыс на, а оз тыяснас. Мыйөн сөмын сийө заводитас лолавны тыяснас, сийө пыр жө ачыс жугөдас кышсө. Ми кө водзджык жугөдам, чипанпийыс кулас.

— Но колькъяс пытшкас чипанпияныс долженөсь лоны ловъяөсь нин,— шуа ме.— Гашкө, позяс кывны, кыдзи найө сәні вөрөшитчөны?

Мишка перйис инкубаторысь кольк да матыс-  
тіс пель дорас. Ме копыртчи матоджык да кыв-  
зыны жö кути.

— Ньöжйоджык!— горөдіс ме вылө Мишка.—  
Чушкө вөв моз!

Ме кути лов шыөс.  
Лои лөнъ. Сöмын кыла  
вөлі, кыдзи пызан вылын  
точкис часі. Друг тринь-  
өбтіс звөнок. Мишка  
дрөгнитіс да муртса эз  
уськөд кольксö. Ме öдйö-  
джык котөрти восьтыны  
өдзöс. Тайö воис Витя. Сі-  
йö локтöма тöдмавны,  
оз-ö нин чужны чипанпян.



— Оз на,— шуис Мишка.— Водзджык на.

— Но, ме бöрынджык, школаö мунтөдз пы-  
рала,— шуис Витя.

Сійö муніс, а Мишка бара босьтіс кольк да пук-  
тіс пель дорас. Сійö дыр пукаліс синсö куньöмөн  
да сюся кывзіс. Сэсся шуис:

— Дзик немтор оз кыв.

Ме босьтіс кольк, кывзышти жö. Кольк пытш-  
кысь нинöм эз кыв.

— Гашкө, тайö кольксыс зародышыс кулі?—  
шуи ме.— Колö мукөдъяссö прөверитны.

Ми заводитім перъявны кольк бөрся кольк да  
кывзыны найөс, но ни öти кольк пытшкысь нинöм  
эз кыв.

— Став зародышъясыс öмөй кулісны?— шуис  
Мишка.— Öти колькйын көть колис жö.

Сэки бара кыліс звөнок. Локтіс Сеня Бобров.

— Тэ мыйла татшөм водзсö воин?— юала ме.

— Локті төдмавны, кыдзи чипанпийным.

— Чипанпийн некыдз на. Зэв на водз,— воча-видзис Мишка.

Сеня бөрся воис Серёжа:

— Но кыдзи, өти чипанпи коть эм нин?

— Кутшөм тэ терпиттөм!— шуө Мишка.— Тэ нө көсьян, медым чипанпийн асывсянь чужисны? Удитасны на.

Серёжа да Сеня пукалыштисны недыр да му-нисны. Ми Мишкакөд бара заводитим кывзыны колькъяс.

— Ставыс воши!— шогсис Мишка.— Дзик немтор оз кыв!

— А гашкө, найө сәни гусьоник пукалөны?

— Мыйла нө найө гусьонсө пукаласны? Налы кад нин кышсө жугөдны.

Сәки воисны Юра Филиппов да Стасик Левшин, а на бөрся — Ваня Ложкин. Ребята заводитисны воавны өти бөрся мөд, и медбөрти миян лои общөй собрание кодь. Мишкакөд ми корим Майкаөс, висьталим сылы, мый колө вөчны, чипанпийн кө кутасны чужны миянтөг, и ребятакөд өтлаын муним школаө.

Кыдзи миян колис школаын тайө луныс, висьтавны он вермы. Миян олөмын тайө вөлі медся сьөкыд лун. Миянлы кажитчис, мый кодкө нарошнө нюжөдис кадсө да вөчис урокъяссө даспөв кузьөн. Ставөн ми зэв ёна полим, мый чипанпийн заводитасны чужны, пока ми пукалам школаын, а Майка миянтөг вөчас мыйкө оз сідзи. Торйөн нин кузьөн кажитчис медбөрря урокыс. Кадыс быттьө дзикөдз сувтис. Ми весиг заводитим думайтны, мый эг казавлөй звөноксө. Сэсся миянлы заводитис кажитчыны, мый звөнокыс торксис да та

вöсна ми эгö кывлöй сийöс. Сэсся ми думыштiм, мый Дуня тьöтка вунöдiс сетны медбöрья звöноксö да мунiс гортас, и öнi миянлы ковмас пукавны танi аскиöдз, кор Дуня тьöтка бöр локтас школаö.

Ребята нервничайтисны да шöпкöдчисны. Быдöн мöдöдлiсны запискаяс Женя Скворцовлы да юасисны, уна-ö кадыс, но Женя, быттьö нарошнö, талун вунöдöма часисö гортас. Классын вöли шума, и Александр Ефремович некымынысь тшöктылiс ланьтны. Но классын эз лөнъны. Медбöрти Мишка лэптiс кисö да кöсйис шуны, мый урок помасис нин, но буретш сэки кылiс звöнок. Ребята чепöс-йисны местаяс вывсыныс да уськöдчисны öдзöслань. Александр Ефремович тшöктiс ставнымöс пуксыны асланым местаясö да шуис, мый некод не должен петны партаяс сайысь, кытчöдз учитель классын. Сэсся юалис Мишкалысь:

- Тэ, буракö, мыйкö кöсйин юавны?
- Эг, ме кöсйи шуны, мый урок помасис.
- Но тэ öд звöнокöдзыс китö лэптiн.
- А ме чайтi, мый звöнокыс торксьöма.

Александр Ефремович сöмын юрнас довкнитiс, сэсся босьтiс журнал да петiс классысь. Ребята уськöдчисны чукöрөн коридорö да грымакылiгтыр лэччисны поскöд улыс судтаö. Петанiнын ставөн жмитчисны öтчукөрö, но ме да Мишка удитiм петны первойясөн да кыккокийыв тövзыштiм гортлань. Миян бöрся тövзисны мукöдыс.

Вит минута мысти ми вöлим гортын нин. Майка пукалiс аслас местаын, инкубатор дорын, да вурис Зина аканьыслы виль платье.

- Нинöм эз ло?— юалим ми сылысь.
- Нинöм.
- А тэ важөн нин восьтылiн инкубаторсö?

— Важон, кор на колькъяссö бергöдлi.

Мишка матыстчис инкубатор дорö да лöсьöд-  
чис восьтыны вевтсö. Став детинкаяс кытшалiсны  
сiйöс. Найö нюжöдiсны сылыяснысö, кокчуныйы-  
ласисны, а Ваня Ложкин кавшасис улöс вылö,  
медым бурджыка аддзыны, да усис сэсянь весь-  
кыда Лёша Курочкин вылö да муртса эз пöрöд  
сiйöс кок йывсьыс. Мишка пыр на эз решитчы  
восьтыны вевтсö. Сiйö быттьö полiс.

— Но, восьты! Мый нö тэ нюжмасын?— эз вер-  
мы кутчысьны кодкö.

Медбöрын Мишка восьтiс вевтсö. Колькъясыс  
важмозыс спокойнöя куйлiсны пыдöсас, быттьö  
гырысь еджыд изъяс. Мишка сулалыштiс на весь-  
тын чöла, сэсся видзчысьöмön бергöдлiс найöс да  
гöгöрбок видзöдлiс быдөнöс.

— Ни öти абу писькöдчöма!— жугыля юöртiс  
сiйö.

### *Кодi мыжа?*

Ребята чöла сулалiсны Мишка гöгөр.

— А гашкö, чипанпияныд оз и чужны?—  
юалiс Сеня Бобров.

Мишка шевгöдiс кияссö:

— Ме öд абу курöг! Кытысь меным тöднысö?  
Мый ме гöгөрвоа таын?

Сэки ребята кутiсны сёрнитны öтпырйö, заво-  
дитiсны вензыны: öтияс шуисны, мый чипан-  
пиян оз чужны; мöдъяс — мый, гашкö, чужасны  
на; коймöдъяс — мый либö чужасны, либö оз.  
Медбöрын Витя Смирнов дугöдiс сёрнияссö.

— Водзджык на вензыны,— шуис сiйö.— Лу-  
ныс эз на коль. Колö воддзамоз уджавны. А öни

марш гортъясаныд! Инкубатор дорö кольчасны сöмын дежурнойяс.

Ребята разöдчисны гортъясаныс. Ме да Мишка колим ас кежысь да ещö öтчыд видлалим став колькъяссö, абу-ö кöть öти потас, но некön нинöм эз вöв. Мишка вевтис инкубаторсö да шуис:

— Немтор, мый лоны лоас! Öнi водз на волнуйтчыны. Виччысьлам рытöдзыс и, нинöм кö оз ло, сэки заводитам волнуйтчыны.

Ми шуим не волнуйтчыны да терпеливöя виччысьны. Но кокни шуны — не волнуйтчыны! Век жö ми волнуйтчим да быд дас минута мысти видзöдлим инкубаторö. Ребята тöждысисны жö да воylvлiсны быд здукын. Ставныс юасисны öти-тор:

— Но кыдзи?

Мишка нинöм нин эз вочавидзлив, а вочакыв пыдди сöмын лэптыштлывлiс пельпомъяссö, и рытъявылöдзыс сiйö сiдзи и колис топöдыштöм пельпомъяса, быттö найöс пельяс дорас вöли клеитöмаöсь.

Пуксис рыт. Ребята пыралiсны пыр шочджыка и шочджыка. Медся бөръяөн воис Витя да дыр пукалiс мян ордын.

— Гашкö, тi неправильнöя лунъяссö арталiн-ныд?— юалiс сiйö.

Ми выльысь заводитим лыддьöдлыны лунъяс, но артмис ставыс правильнö. Талун вöли кызь öти-öд лун, и со сiйö помасис нин, а чипанпиян эз вöвны.

— Немтор,— ышöдiс мянöс Витя.— Виччысь-лам асылöдз. Гашкö, найö войнас чужасны.

Ме вöзйыси мамлысь кольччыны вой кежлö Мишка ордö, и ми шуим сукöд войбыд не узыны.

Ми дыр пукалім инкубатор дорын. Сёрнитны миянлы вöлі немтор йылысь. Öнi ми эгö нин мечтайтöй, кыдзи войдөр, сы вöсна мый мечтайтнысö миянлы нинöм йылысь вöлі. Регыд дугдiсны ветлыны трамвайяс. Лоис лөнъ. Öшинъ улын пöнар кусiс. Ме нёровтчи кушетка вылö. Мишка вугыртiс улöс вылын да муртса эз усь сэтысь. Сэки сiйö водiс ме дорö кушетка вылö, и ми унмовсим.

Аскинас картинаыс эз вежсы. Колькъяс важ-моз куйлисны инкубаторын да ставныс вöлины дзоньöсь. Кольк пытшкысь нинöм эз кыв.

Ребята ставныс шöйöвошины.

— Мыйла нö тадзи артмис?— юасисны найö.— Ми öд, буракö, ставсö правильнö вöчим!

— Ог тöд,— вочавидзлiс Мишка да шевгöдлiс кияссö.

Öтнамön ме тöдi, мыйын делöыс. Дерт, зародышъясыс кулисны ещö сэки, кор менам узьсьöма войнас: найö кöдзалисны, и олöмыс öрис. Меным вöлі зэв яндзим ребята водзын. Тайö öд ме вöсна найö весьшөрö уджалисны! Но та йылысь ме некодлы эг вермы öнi висьтавны да кöсйыси висьтавны коркö мöдысь, кор тайö случайыс неуна вуныштас да ребята дугдасны жалитны чипанпиянсö.

Тайö лунас школаын миянлы вöлі торйөн гажтöм. Ребята ставныс жалитöмпырысь видзöд-львлiсны миян вылö, быттö миян лоис кутшöмкö ыджыд беда, а кор Сеня Бобров думыштитiс нимтыны миянöс «инкубаторщикъясөн», ставөн уськöдчисны сы вылö да заводитiсны янöдны сiйöс. Меным да Мишкалы весиг эз ло лöсьыд.

— Мед көть ребята видісны мянӧс,— шуис Мишка.

— Мыйысь нӧ мянӧс виднысӧ?

— Но, найӧ сы мында уджалісны мян вӧсна. Найӧ правӧсь скӧравны.

Школа бӧрын ребята пыралісны мян ордӧ, а сәсса лунтыр нин некод эз волы. Сӧмын Костя Десяткин шочиника воывліс. Сійӧ ӧтнас веритіс на инкубаторлы.

— Со аддзан,— шуис меным Мишка:— ӧні ребята ставныс скӧрмисны мян вылӧ. А мыйысь скӧравнысӧ мян вылӧ? Быдӧнкӧд вермас лоны неудачаыд.

— Тә ӧд ачыд шулін, мый найӧ вермасны скӧравны.

— Вермасны! Дерт, вермасны!— дӧзмӧмӧн вочавидзис Мишка.— Тә верман жӧ ме вылӧ скӧравны. Тайӧ ме ставсьыс мыжа.

— Мыйла тә мыжа? Некод тәнӧ оз мыжав. Нинӧмын тә абу мыжа,— вочавидзи ме.

— А вот мыжа. Сӧмын тә ёнасӧ эн скӧрав.

— Да мыйысь нӧ скӧравнысӧ?

— Но, сыысь, мый меным сәтшӧма оз везит. Сәтшӧм нин менам шудӧй, мый ме ставсӧ тшыкӧда, көть мыйӧ ог босьтчы!

— Тайӧ ме ставсӧ тшыкӧда,— шуа ме.— Ме ачым ставсьыс мыжа.

— А вот ме мыжа: тайӧ ме вии чипанпиянсӧ.

— Кыдзи нӧ тә вермин вины?

— Ме тәныд висьтала, сӧмын тә ёнасӧ эн скӧрав,— шуис Мишка.— Ӑтчыд асьявылыс менам унмовссьӧма. Температураыс кыптӧма нелямын градусӧдз. Ме ӧдйӧджык восьті инкубатор, мед

колькъясыс ыркалісны, но найö, буракö, удитö-маöсь нин тшыксыны.

— Кор нö тайö лои?

— Вит лун сайын.

Мишка видзöдліс ме вылö синкым увтіыс. Чужöмыс сылön вöлі мыжа да жугыль.

— Верман успокоитчыны,— шуа ме сылы:— колькъясыс тшыксыны ёна водзджык.

— Кыдзи — водзджык?

— Тэнад унмовсьлытöдз на.

— Коді нö найöс тшыкöдіс?

— Ме.

— Кыдзи?

— А ме унмовсьлі жö, а температураыс лэчöма, и колькъясыс пöгибнитісны.

— Кор нö тайö лоис?

— Дасöд луннас.

— Мый нö тэ öнöдз чöv олін?

— Но, меным яндзим висьтавынсьö. Ме чайті — гашкö, тайö немтор и зародышьясыд ловзяны, а найö со эз ловзыны.

— Сідз, сідз,— нурбыльтіс Мишка да скöрысь видзöдліс ме вылö.— Сідзкö, сы вöсна, мый тэныд яндзим вöлі висьтавыны, ребята ставön долженöсь вöлі уджавны весьшөрö, а?

— Но ме öд думайті, мый кызкö-мыйкö ладмас. Ребята эськö асьныс решитісны водзö нуöдны



делөсө, медым төдмавны, кулісны али эз зародышъясыс.

— «Асьныс решитісны!»— нерис менө Мишка.— Вот и колө вөлі висьтавны, медым ставөн отув решитісны, а не решайтны аслыд став пыддиыс!

— Кывзы,— шуа ме,— мый тэ горзан ме вылө? А тэ өмөй кодлыкө висьталін, кор унмовсин да эн следит температура бөрсяд? Тэ өд сэки став пыддиыс жө решитін!

— Вернө,— шуө Мишка.— Порсь ме! Нөйтөй менө!

— Некод тэнө нөйтны оз лөсьөдчы. А ребята-лы тэ век жө та йылысь эн висьтав,— шуи ме.

— Аски жө висьтала! Тэ йылысь ме нинөм ог висьтав, а ас йылысь висьтала. Медым ставөн төдөны, кутшөм порсь ме! Медым тайө лоас меным наказание пыдди!

— Но, сідзкө, и ме ас йылысь ставсө висьтала,— шуа ме.

— Эн, тэ бурджык эн висьтав.

— Мыйла?

— Ребята и сідзи серавлөны, мый ми тэкөд ставсө кыкөн вөчам: и школаө ветлам век отлаын, и урокъяс кыкөн велөдам, и весиг двойкаестө кыкөн отвылысь пөлучайтам. А өні шуасны: и дежуритігас кыкнанныс узьөмаось.

— Но и мед,— шуа,— сералөны. Меным нө кокныдджык лоас, сөмын кө тэ вылын өтнад вылын серавны кутасны?

Шога помасис тайö луныс, и бара пуксис рыт. Кухняын ставыс вöлі важмоз: инкубатор пыр на шоналис, лампочка ломзис водзö, но надеяным мян дзикöдз воши. Мишка чöла пукалис да бергöдлис киас кольк. Ми дыр думайтим, жугöдны сийöс али виччысьлыны на. Друг Мишка повзё-мөн видзöдлис ме вылö. Меным кажитчис, мый сийö аддзис менам мыш сайысь мыйкö повзёдланаöс. Ме бергöдчылі. Бөрвылын нинöм эз вöv. Ме бара видзöдлі Мишка вылö.

— Видзöд!— кирган гөлөсөн шуис сийö да мыччис меным кольк, коді вöлі киас.

Первойсö ме нинöм эг аддзы, но бöрас казялі, мый öтилаті колькйис потöма да быттьö жугалöма пытшыньыс.

— Мый тайö?— шуа.— Гашкö, тэ ачыд тöдлытөг кольксö поткöдін?

Мишка пыркнитіс юнас.

— Сідзкö нö мый тайö? Писькöдчö?

Мишка кыв ни джын шутөг довкнитіс юнас.

— Мыйла тэ сідзи чайтан?

Мишка лэптыштліс пельпомъяссö:

— Ачым ог тöд...

Ме видзчысьмөн парсышти гыжйөн жугалөминсö.



Колькъяс артмис розь. Сэтысь здук кежлө мыччысьліс вижоват ныр да пыр жө дзебсис бөр.

Нимкоднымла Мишкакөд ми эгө вермөй шуны ни өти кыв да уськөдчим кутлыны отамоднымос.

— Вот и дивө!— горөдіс Мишка да нимкодя серөктіс.— Но, кытчө ми өні котөртам? Кытчө котөртам?

— Энлы! — шуа. — Кытчө котөртны? Мыйла котөртны?

— Но колө котөртны, висьтавны ребятагы!

Мишка чепөсйис өдзөслань.

— Сулав! — шуа.— Тэ көть кольксө коль. Мый тэ, ребята дорө сідзи котөртан?

Мишка бергөдчис да пуктіс кольксө инкубаторө. Сэки мянө воис Костя.

— А мян чипанпи эм!— горөдіс Мишка.

— Пөръясянныд!

— Честной кыв!

— Көні нө сійө?

— А со видзөдлы!

Мишка восьтіс инкубатор. Костя видзөдліс сэтчө:

— Көні нө чипанпид? Тані сөмын колькъяс куйлөны.



Мишка вунөдіс, кытчө пуктіс розя кольксө, да некыдз эз вермы аддзыны сійөс мукөд колькъяс пөвстысь. Медбөрын сійө аддзис сійөс да петкөдліс Костялы.

— Вокъяс! Да сэні өд настөящөй чипанпилөн нырыс чурвидзө!— горөдіс Костя.

— А тэ чайтін, мый ми тэныд кутшөмкө фокус петкөдлам?.. Дерт, настөящөй!

— Öти здук, вокъяс! Ті тайө кольксө крепыд-джыка кутөй, а ме ребятала котөртла!— горөдіс Костя.

— Котөрт, котөрт, а то ребята ньөти нин оз веритны, мый чужасны чипанпиян. Рытивбыд эз и пырав некод.

— Найө ставныс ме ордын пукалөны да пыр на веритөны, сөмын найө полөны мешайтны тиянлы да быдпөрийө менө ыстылөны төдмавны, кутшөм делөясыс.

— Мыйла найө полөны?

— Но, найө өд гөгөрвоөны, мый тиянлы абу наөдз. Тиянлы, навернө, и натөг нин вөлі сьөкыд.

Костя чепөсйис өдзөслань, и ми кылім, кыдзи сійө грымөдіс-лэччис поскөд.

— Батюшки-матушки!— горөдіс Мишка.— А ме мамы на нинөм эг висьтав!

Сійө котөртис корны мамсө, а ме кватиті кольк да котөрти петкөдлыны аслам мамы.

Мам видзөдліс да тшөктіс бөр пуктыны кольксө инкубаторө, сы вөсна мый сійө вермас көдзавны да сэки чипанпиыс прөстудитчас.

Ме котөрөн бөр вои Мишка ордө, видзөда — сійө котралө кухняын, быттьө дурмөма, а мамыс да батыс сулалөны да сералөны. Мишка аддзис менө да горөдіс:

— Тэ эн аддзыв, кытчө ме кольксө пункті? Ме инкубаторсө ставнас гудйи — некөн абу!

— Кутшөм кольк?— юала ме.

— Но эсійө... Чипанпинад!

— Да со сійө,— шуа.

Мишка аддзис менам кийсь кольксө:

— Ак тэ растяпа! Кватитөма кольксө да пыш-йөма! А ме тані корся сійөс.

— Ланьтөй!— шуис Мишкалөн мамыс.— Öти кольк вөсна сэтшөм шум лэптінныд.

— Да тэ видзөдлы, мыйся тайө кольк? Тайө өмөй прөстөй кольк?— вочавидзис Мишка.

Мамыс босьтіс кольксө да мөдіс видзөдны чипанпильсь ичөтик нырсө, коді тыдаліс розь пырыс.

Батыс видзөдліс жө.

— Хм!— шпыньмуніс сійө.— Шензяна делө!

— Мый нө тані шензянаыс?— шуис Мишка.— Прөстө природалөн явление.

— Ачыд тэ природалөн явление!— серөктіс Мишкалөн батыс.— Чипанпиын, дерт, шензянаыс нинөм абу, а вот шензяна, кыдзи сійө тиян лоис. Ме пыр вөлі уверен, мый тиян тайө затеясьыс нинөм оз артмы.

— Мыйла нө тэ нинөм эн висьтав?

— А мыйла висьтавны? Ме думайті, мый тиянлы пөлезнөджык вөчны делө ывлаын котралөм дорысь.

Сэки кухняө пырис Майка. Платьесө сійө пасьталөма бөрөн, башмаксө — куш кокас. Сійө водліс нин узьны, но кылөма чипанпи йывсьыд да окота жө лоөма видзөдлыны, та вөсна сійө тэрмасьөма да пасьтасьөма кыдз веськалө. Ми здук кежлө сетім кутыштны кольксө. Сійө заво-

дитіс синпöвнас видзöдны розьöд. Сэки чипанпи мыччис нырсö.

— Сійö менö кокыштны көсйис!— горöдіс Майка.— Видзöдтö, кутшöм! Эз на удит кышсьыс петны, а тышкасьö нин.

— Но, нинöм тані чипанпи вылö горзыны!— шуис Мишка.

Сійö мырддис Майкалысь колькесö да пунктіс инкубаторö.

Друг пос вылын кылісны кок шыяс. Кухняö пырисны челядь. Кольк мөдöдчис кысь киö.

Быдөнлы окота вöлі видзöдлыны розьöд да аддзыны чипанпиöс.

— Вокъяс,— кевмысис Мишка,— вайöй колькесö! Сылы öд колö инкубаторын куйлыны — чипанпиыс прöстудитчас!

Но некод эз кывзысь.

Öдва ми мырддим челядь ордысь тайö колькесö да пунктім инкубаторö.

— А мукöд колькъясыс эз на потласьны?— юалис Витя.

Ми заводитім видлавны мукöд колькъяс, но потласьöмаясыс сэсся эз вöвны.

— Абу, сöмын витöд номер поті, мукöдыс эз на,— вочавидзис Мишка.

— Гашкö, найö потасны жö?— сёрнитісны ребята.

— Немтор,— нимкодьясла нюмъялігтыр шуис Мишка.— Миян кө чужас сöмын öти чипанпи, ме и то рад лоа. Век жö ми эг весьшөрö мырсьöй. Со сійö, результатыс!

— Ребята,— шуис Сеня Бобров,— гашкö, кышсö колö жугöдны да чипанписö лэдзны вöля вылö? Сылы öд дзескыд кыш пиад пукавны.

— Мый тэ!— вочавидзис Мишка.— Кышсө жугөдны оз позь. Чипанпиыслөн куыс зэв на нежнөй, верман кульыштны.

Ребята дыр эз разөдчыны.

Быдөнлы вөлі окота аддзывны, кыдзи чипанпи петас кыш пытшкысь, но вөлі зэв нин сёр, и налы ковмис мунны гортаныс.

— Немтор, ребята,— шуис налы Мишка:— тайё абу на ставыс! Таысь кындзи, навернө, и мукөд колькъясыс потасны.

Кор челядь мунисны, Мишка ещө отчыд видлаліс колькъяссө да өти вылысь бара аддзис потөмин.

— Видзөд,— горөдіс сійө,— дас өтиөд номер потөма!

Ме видзөдлі: кольк, кытчө вөлі гижөма «дас өти» цифра, вөлі потөма жө.

— Ок, кутшөм дөсаднө, мый ребята мунисны!— шуа ме.— Öнi сёр нин нала котөртлыны.

— Да, жаль!— нурбыльтіс Мишка.— Но немтор, аски аддзасны чипанпианөс нин.

Ми пукалім инкубатор дорын да зэв ёна радлім.

— Тайё сөмын тэа-меа татшөм шудаөсь!— шуаліс Мишка.— Оз быдөнлы, көнкө, татшөм шудыд усьлы!

Пуксис вой.

Ставөн важөн нин узисны, но меным да Мишкалы весиг узьны эз вөв окота.

Кадыс колис өдйө. Час кыкын кымын войнас потісны ещө кык кольк: көкъямысөд да дасөд номерьяс. А кор ми бөрынджык бара видзөдлім инкубаторө, весиг акнитім чуймөмнымла. Колькъяс чукөрын тірбылясис ичөтик чипанпи. Сійө

зіліс сувтны аслас лапаяс вылө, но век öтарö шатласис да гылаліс.

Нимкодöйла менам весиг лолöй сувтліс, сьö-лөмöй кутіс ёнджыка тіпкыны.



Ме öдйöджык босьті чипанписö киö. Сійö вöлі васöд на да гөнтөм. Гөн пыддиыс сы вылын вöліны виж сіяс, кодъяс сибдöмаöсь сылөн вöснныдик, нэриник гөрдов ку бердас.

Мишка öдйöджык восьтіс кастрюля, кодысь ми вöчим грелка.

Ме пукті чипанписö кастрюляö. Ми содтім чугуно пöсь ва, медым чипанпилы вöлі шоныдджык.

— Öні сійö косьмас, шоналас да лоас зэв мичаник, — висьталіс Мишка.

Сійö перйис инкубаторысь кык кышджын, кытысь петіс чипанпи, да шуис:

— Дивö, кызди татшöм ичöтик кыш пытшкас вермис төрны татшöм ыджыд чипанпиыс!

А чипанпи и збыльсьсэ кажитчис ёна ыджыдөн ичöтик кыш сертиыс. Сійö öд кыш пытшкас куйліс йöжгыльөн, кокъяссö сюркнялөмөн, а öні сійö веськөдчис, нюзöдіс сылісö да сулаліс ичöтик кокъяс йылас.

Мишка заводитіс видлавны кышджынъяссö да друг тай горөдас:

— Да тайö öд абу сійö чипанпиыс!

— Кызди «абу сійö»?

— Но, абу сійö, абу первойыс! Первойöн пьськöдчис витöд номер, а тайö дас öтиöд.

Кыш вылын и збыльысь вöли «дас öти» цифра. Ми видзöдлим инкубаторö. Витöд номер важ-мозыс куйлис места вылас.

— Тайö нö сійö мый?— шуа ме.— Ставсьыс водз пьськöдчис, а петны оз кöсйы.

— Сійö, навернö, слабиник да оз вермы ачыс жугöдны кышö,— шуис Мишка.— Мед куйлыштас на да вынсö чукöртас.

### *Миян öшибка*

Ми сэтшöма тöждысим, мый весиг эгö казялöй, кызди воис асыв. Петис шондi да заводитис койны югöрсö öшиньö.

Джоджын мöдiсны ворсны шондi кöчьяс, и кухня ставнас тырис долыд югöрөн.

— Вот аддзылан, öни воас кодкö ребята пöвстысь,— шуис Мишка.— Найö оз вермыны терпитны!

Муртса шуис тайöс Мишка, кызди öтпырйö воисны кыкөн — Женя да Костя.

— Видзöдöй чудо вылö!— горöдiс Мишка да перйис кастрюляысь чипанпиöс.— Со сійö, природалөн чудоыс!

Детинкаяс заводитисны видлавны чипанпи.

— А танi ещö куим кольк, кöни тöдчö потöмин!— ошйысис Мишка.— Видзöдлöй: витöд, кöкъямысöд да дасöд номеръяс.

Чипанпиыд, буракö, ёна полiс кöдзыдысь. Кор ми кутим сійöс кианым, сійö заводитлис тiравны, кор бөр пуктылим грелкаö, пыр жö успокоитчылис.

— А ті сійös вердінныд нин?— юалис Костя.

— Мый тэ, мый тэ!— вочавидзис Мишка.— Сійös водз на верднытö. Чипанпиянтö заводитöны вердны сöмын мöd лунас.

— А ті сідзи энö и узьöй войбыд?— юалис миянлысь Женя.

— Эгö. Кутшöм нин узьöм, кор сэтшöм делöяс мödöдчисны!

— Сідзкö ті водöй, а ми дежуритам,— вöзйис Костя.

— А ті садьмöданныд миянös, выль чипанпи кö чужас?

— Дерт, садьмöдам.

Ми Мишкакöд водім кушетка вылö да пыр жö унмовсим. Велькыда кö висьтавны, менам важөн нин локтіс унмöй. Ребята садьмöдісны миянös асывнас час дасын кымын.

— Чеччöй видзöдлыны мöd номера чудо-юдоös!— горöдіс Костя.

— Кутшöм «мöd номера чудо-юдо»?— эг гö-гөрво ме унйылысь да видзöдлі гөгөрбок.

Кухнятыр нин вöліны челядь.

— Со сійö, чудоыд!— горзісны челядь да индісны грелка вылö.

Ми Мишкакöд чеччыштім да видзöдлім кастрюляö. Сэні нин вöлі кык чипанпи. Öтиыс вöлі гөгрösіник, пушкыр гöна да кольквиж рöма. Дзик настöящöй красавец!

— Кутшöм мича!— шуа ме.— Мыйла нö миян первойыс сэтшöм мисьтöм?

Ставөн серöктісны:

— Да тайö и эм тіян первойынд.

— Кодыс?

— Со тайö, пушкыр гöнаыс.

— Абу! Миян со эсийö, кушыс.

— Тайö кушыс муртса на чужис. А первойис косьмис нин да лои пушкыр гона.

— Вот дивöйд!— шуа ме.— Сидзкö, и мöдыс татшöм жö лоö, кор косьмас?

— Дерт жö.

— А кутшöм номер тайö чужис?— юалис Мишка.

— Кыдзи — «кутшöм номер»?— эз гөгөрвоны ребята.

— Но, миян жö став кольксö нумеруйтöма,— гөгөрвоодис Мишка.

— А ми эгö и видзöдлöй, кутшöм номерыс сийö петис,— вочавидзис Костя.

— Позьö прöверитны кыш сертиыс,— шуи ме.— Сэни öд кышыс колис.

Мишка восьтис инкубатор да кызди горöдас:

— Батюшки! Да танi ещö кык выль чипанпи!

Ставöн, öта-мöдöс тойлалiгтыр, уськöдчисны инкубаторлань. Мишка видзчысьöмөн перйис инкубаторыс кык выль чипанпиöс да петкöдлiс миянлы.

— Со найö, орельясыс!— гордöя шуис сийö.

Ми и тайö чипанпиянсö пунктiм кастрюляö. Öнi найö сэни вöлины нельöн нин. Найö ставныс пукалисны öтчукöрын да жмитчисны öта-мöд берданыс, медым вöли шоныдджык.

Мишка перйис инкубаторыс кольöм кышъясöс да заводитис видлавны, кутшöм номеръясөн найöс вöли пасъялöма.

— Нельöд, көкъямысöд да дасöд номеръяс,— юортис сийö.— Сöмын кодi на лыдыс кутшöм номер?

Ми заводитім видлавны куим выль чипан-пиос, но о́ні нин оз позь вóлі тóдмавын, кутшóм кышысь найó петисны.

— Став номеръясыс дзугсисны!— сералисны челядь.

— А витóд номерыд сідзи и куйлó инкубаторын?— шуа ме.

— Вернó!— горóдіс Мишка.— Куйлó! Мый нó тайó сійó? Гашкó, куліс?

Ми перйим витóд номера кольксó инкубаторысь да неуна паськóдыштім розьсó.

Чипанпи лóня куйліс кыш пытшкóсын да бергóдліс юрсó.

— Ловъя!— радлім ми да кольксó бór пуктім.

Мишка прóверитіс кольóm колькъяссó да казяліс выль потас, коймóд номер вылысь. Челядь сералисны да дóвóля ниртісны воча ки.

— Со кызди мóдісны делóясным!— радлісны найó.

Сэки локтіс Майка. Ми заводитім петкóдлыны сылы чипанпиянóс.

— Со этайó менам!— шуис сійó да кóсйис нин кватитны пушкыра гóнасó.

— Энлы,— шуа ме.— Мыйла кватлалан? Сылы грелкаын колó пукавын, а то прóстудитчас.

— Но, ме инó бóрынджык босьта. Сóмын этайó, пушкыраыс, менам лоас. Меным гóнтóмыд оз ков.

Тайó луныс вóлі воскресенье. Школаó мунны некодлы вóлі оз ков. Челядь лунтыр олісны мянын. Коді улóс вылын пукаліс, коді табуретка вылын, коді кушетка вылын. Ме да Мишка пукалім медся почётнóй местаын — инкубатор дорын. Воськыдвылын, плита дорын, сулаліс кастрюля, кóні вóліны чипанпиян, плита вылын чугунын

шоналис ва, өшинь вылын ящикъясын вежөдіс зөр. Челядь шутитисны, сералисны, висьтавлісны олөмысь интересной случайс.

— Мыйла нө сёрөнджык чужисны чипанпияныс?— юалис кодкө.— Ті өд пятницаө нин виччысинныд чипанпиянтө.

— Ог төд,— вочавидзис Мишка.— Книгаын гижөма, мый чипанпийан чужөны кызь өтиөд лунө, а талун нин кызь коймөд. Гашкө, книгаас кушөмкө өшибка?

— Гашкө, тайө тиян өшибкаыс лоис?— шуө Лёша Курочкин.— Ті помнитанныд, кор инкубатораныд колькъяссө пуктінныд?

— Ми пуктылім третье числөө. Тайө вөлі субөтаө,— висьталіс Мишка.— Тайөс ме стөча помита, сы вөсна мый мөд луныс вөлі воскресенье.

— Кыззы,— шуис Женя Скворцов,— тиян кызкө тешкодя артмө: колькъяссө пуктінныд субөтаө, а кызь өтиөд луныс лои пятницаө.

— Збыль өд!— шыасис Витя Смирнов.— Ті кө заводитінныд субөтаө, то и кызь өтиөд луныс колө лоны субөтаө жө. Неделяс өд сизим лун, а кызь өти лун — тайө стөч куим неделя.

— Куимысь сизим — кызь өти!— серөктіс Сения Бобров.— Таблица умножения серти тадзи артмө.

— Ме ог төд, кызди тэнад сэні таблица умножения серти артмө!— дөзмис Мишка.— Ми эгө таблица серти арталөй.

— Кызди нө ті арталінныд?

— А со кызди,— шуис Мишка да заводитіс кусньөдлыны чуньяссө.— Третье числө вөлі первой лун, четвёртое — мөд, пятое — коймөд...

Тадзи сійö воис пятницаöдз, и сылөн артмис кызь öти лун.

— Мый нö тайö?— шуö Сеня.— Таблица умножения серти кызь öтиöд луныс артмö субöтаö, а чуньяс серти — пятницаö. Тешкодь кызкö!

— А ноко петкöдлы ещö, кызди тэ лыддян,— шуис Женя.

— Со,— шуис Мишка да бара заводитис куснöдлыны чуньяссö:— Субöтаö, третье числöö,— öти лун, воскресеньеö, четвёртое числöö,— мöд...

— Энлы, энлы! Неправильнö! Тэ кö заводитин третье числöö, то сійöс оз ков лыддыны.

— Мыйла?

— Сы вöсна мый луныс эз на коль. Луныс колис сöмын четвёртое числöö. Сидзкö, тэ должен лыддыны четвёртое числöсянь.

Сэки Мишкакöд ми гөгөрвоим, мыйын делöйс. Мишка арталис выльысь, и ставыс артмис вернö.

— Правильнö,— шуис сійö.— Кызь öтиöд луныс лои тöрыт.

— Сидзкö, ставыс артмис, кызди колö,— шуа ме.— Ми öд колькъястö пуктим инкубаторад субöта рытö, и первойя потасыс лоис субöта рытö, тöрыт. Стöч кызь öти лун прöйдитис.

— Со аддзан, кутшöм несчастье вермас лоны, кор омöля тöдан арифметика,— шуис Ваня Ложкин.

Ставөн серöктисны, а Мишка шуис:

— Тайö öшибкакыс вöсна ми сы мында мучитчим! Ми кö эськö эгö öшибитчöй, некод эськö эз мучитчы.

## Чужан лун

Рытъявылыс грелкаын миян пукалісны нин дас чипанпи. Медся бөрын петіс витөд номер. Сійө сідзи эз и көсйы петны кыш пытшкөссьыс, и миянлы ковмис жугөдны кышджынсө, медым отсавны сылы петнысө. Тайөс кө ми эгө вөчөй, то сійө сідзи и колис эськө нэм чөжыс пукавны кыш пытшкөсас. Сійө вөлі мукөдъяс серти ичөтджык да слабджык — буракө, сы вөсна, мый медся дыр пукаліс кыш пытшкас.

Рыт кежлас инкубаторө колис сөмын кык кольк. Найө сирөтаяс моз куйлісны тыртөм көрөб шөрын и на вылын весиг эз ло потөмин. Ми водзө шонтім инкубаторнымөс да лампасө эгө кусөдлөй, но найө и войнас эз писькөдчыны. Став выльыс чужөм чипанпийе бура коллялісны войсө кастрюляын, а асывнас ми лэдзим найөс джоджө. Ставныс найө вөліны вижөсь, пушкыр гөнаөсь да зэв өна чипсісны. Найө лапйөдлісны съөд синъяссө, читкырасисны ярьюгыдысь; өтияс зумыда нин сулалісны кокъяс йылас, мөдъяс гылалісны, коймөдъяс зільлісны котөртны, но пыр жө конъяслісны. Корсюрө найө тувкөдісны ичөтик ныръяснаныс джоджө разнөй чутъясө да весиг югъялысь көрт тув шляптъясө.

— Донаясөй! Да налөн кынөмныс сямалө!— горөдіс Мишка.

Ми тэрыба пуим кольк, шырим сійөс посныдика да сетім чипанпиянлы. Но найө эз гөгөрвоны, мый кольксө позьө сөйны. Ми сеталім налы кольксө да шуалім:

— Сөйөй, йөюкъяс!

Но чипанпиян весиг эз видзодны сёян  
вылад. Сэки кухняё пырис Мишкалөн мамыс.

— Мама, найо оз кёйыны сёйны кольксё! —  
норасис Мишка.

— А тэ велод найос.

— Кыдзи нё найос  
велодан? Ми висьталам  
налы, а найо оз кыв-  
зысьны.

— Да тадзи омёй чи-  
панпиянто велодлоны?

Тэ тотшкөд чуньнад джоджө.

Мишка лажыньтчис чипанпиян дорө да заводитис тотшкөдны чуньнас джоджө, көні вөлі сёяныс. Чипанпиян аддзисны, мый чуньыс быттьо кокалө джоджсьыс сёянсө, да заводитисны кокасьны жө. Здук мысти кольксёыс эз коль ни өти крошки. Сэки ми пуктім налы ва тыра блюд, и чипанпиян заводитисны юны. Найос таө весиг эз ков велодны. Сэссия найо чукөртчисны өтчукөрө да йөжгыльтчисны өта-мөд бердас. Ми бөр пуктім найос кастрюляө, медым налы вөлі шоныдджык.

Тайө лунас, мыйөн сөмын Марья Петровна пырис классө, став челядьыс уськөдчисны сылы паныд да заводитисны висьтавлыны, мый миян эмось нин чипанпиян. Марья Петровна ёна чуймис да лои рад.

— Сидзкө, тиянөс позьө поздравитны чипанпиян чужан лунөн? — шуис сийө.

Ставөн серөктисны, а Витя Смирнов шуис:

— А ми весиг эгө и пасйөй чипанпиянлысь чужан лунсө! Вайө талун пасьямө.

Ставлы лои нимкодь да горөдисны:

— Вайö, вайö! Марья Петровна, а ті локтаныд?

— Локта,— нюммуніс Марья Петровна.— И пöдарок чипанпиянлы вая.

— Ми ваям жö пöдарокъястö!— горзісны челядь.

Школаысь воём бöрын ме да Мишка терпитны вермытöг виччысим гöстьясöс. Миянлы вöлі зэв интереснö: кутшöм пöдарокъяс лооны?

Первойөн воис Сеня Бобров, киас вöлі цвет букет.

— Мый тайö?— шуис Мишка.— Тэ мыйла цветъяссö вайин?

— А пöдарок!

— Мый нö чипанпияныдлы татшöм пöдарок-сьыд? Найö нö сёйны али мый кутасны тайö цветъястö?

— Мыйла сёйны? Найö кутасны видзöдны да исавны цветъяссö.

— Думыштöма жö! Цветъястö найö эз аддзывны али мый!

— Дерт, эз аддзывны. Вайöй ва тыра банка. Аддзылан, кутшöм гажа лоö.

Ми кисьтім банкаö ва да пунктім сэтчö цветъяссö. Сеня бöрын воисны Серёжа да Вадик. Найö кыкнанныс вайöмаöсь цвет букетъяс.

— Мый нö ті тайö ставныд сёрнитчинныд цветъяс вайны?— зумыштчис Мишка.

— А тэныд мый, миян пöдарокъясным оз кажитчыны?— öбидитчис Вадик.— Тöдан, пöдаритöм вöвлысь пиньсö оз видлавны.

Ми и тайö цветъяссö пунктім ваö.

Локтіс Ваня Ложкин да вайис килоджын зөр шыдöс. Мишка видзöдліс да довкйöдлыштіс юрсö:

— Ог нин и тӧд, кутасны-ӧ найӧ татшӧм зӧр шыдӧстӧ сӧйны.

— А тэ видлы,— шуӧ Ваня.

— Огӧ, ми бурджык виччысьлам да юалам Марья Петровналысь.

Сэки воис Марья Петровна.

Сылӧн киас вӧлі мыйкӧ тубыртӧма газетаӧн. Сійӧ разис тубрассӧ, и сәні вӧлӧма бутылка. Бутылкаас мыйкӧ вӧлі еджыд.

— Йӧв!— горӧдіс Мишка.— А ми и эгӧ гӧгӧр-воӧй чипанпияныдлы йӧвтӧ сетны!

— Тайӧ абу йӧв, а шомйӧв,— шуис Марья Петровна.— Первой кадас чипанпияныдлы колӧ шомйӧвсӧ пӧттӧдзныс сетны. Найӧ зэв ӧна радейтӧны шомйӧвтӧ.

Ми лэдзим чипанпиянӧс грелкаысь, вайим блюд да кисьтім сэтчӧ шомйӧв. Чипанпиян заводісны сӧйны сійӧс.

— Вот тайӧ настоящӧй пӧдарок чипанпиянлы!— радліс Мишка.— Колӧ тӧдны, мый налы пӧдаритны.

Воалісны выль «гӧстьяс». Локтісны Витя да Женя и вайисны проса шыдӧс. На бӧрын котӧрӧн воис Лёша Курочкин, киас сылӧн вӧлі сярған; сійӧ горӧдіс:

— Со, эг тӧд, мый ньӧбны чипанпиянлы! Муна уличаті, аддза — киоскын вузалӧны сярғанъяс. Но, ме и ньӧби налы ӧти сярған.

— Думыштӧма жӧ!— броткіс Мишка.— Коді нӧ чипанпиянлы сярған пӧдаритлӧ?

— Мыйӧн нӧ ме тӧда, мый налы пӧдаритнысӧ? Гашкӧ, налы сярғаныс кажитчас.

Сійö локтіс чипанпян дорö да мöдiс зилöдны сярғаннас. Чипанпян дугдiсны сёйны шомйöв да заводитiсны чатрасьны.

— Видзöдöй!— нимкодя горзiс Лёша.— Налы сярғаныд кажитчö!

Ставөн серöктiсны. Мишка шуис:

— Но ладнö, эн мешайт налы сёйнысö.

Ме юалi Марья Петровналысь, позьö-ö вердны чипанпянöс зөр шыдöсөн. Марья Петровна висьталiс, мый чипанпянöс позьö вердны быдсикас шыдöсөн, сöмын шыдöссö колö пуны.

— А кызди пуны шыдöссö?— юалiс Мишка.

— Но, пуöй рок,— шуис Марья Петровна.

Ми Мишкакöд кöсйим нин пуны рок, но сэки воис ещö öти «гöсть»— Костя Десяткин.

— А пöдароктö вайин?— юалiсны сылысь челядь.

— Пöдарокыс со,— шуис Костя да перйис зепсьыс кык пирöг.

— Вот тай думыштöма!— серöктiсны челядь.

— Но, нимлун вылын век пирöгьяс овлöны,— дорйысис Костя.

— А пирöг пытшкас мый?— юалiс Мишка.

— Рок.

— Рок?.. — горöдiс Мишка.— Мый нö тэ чöv олан?

Сійö нетшыштiс Костя кысь пирöгьяс да кутис перьявны пытшсьыс роксö.

— Дугды!— шуис Костя.— Сидзи нин тыдалö, мый сэнi рок. Мыйла пирöгьяссö тшыкöдны?

Но Мишка эз кывзы. Сійö пыркöдiс роксö блюйдö да пуктiс сійöс чипанпян ныр улö.

Найö заводитiсны кокавны рок.

Майка аддзис, мый быдён вайоны чипанпянлы пöдарок. Сійö вайис гöрд лента, вундалис векныдыка да быд чипанпилы сьылас кöргалис бантик. Ми пукталім на гöгөр цветъяс тыра банкаяс, и чипанпянлөн лоис настöящöй праздник. На водзын блюдыасын вöлі сёян-юан: öтиын — рок, мöдын — шомйöв, коймöдын — чистöй, свежöй ва, а став чипанпийе вöліны гöрд бантикаöсь — настöящöй именинникъяс! Костя кöсийе гöститöдны найöс веж турунөн, но Марья Петровна шуис, мый веж кöрымтö налы сетны водз на; колö виччысьлыны аскиöдз.

Чипанпян пötисны, юисны свежöй ва. Ми разим налысь бантикъяссö да бөр пуксьöдİM грелкаö. Марья Петровна сöветуйтис миянлы потшны чипанпянлы кухняысь торъя пельöс да пуктыны сэтчö пöсь ва чугун, код гöгöрын чипанпян вермасны шонтысьны.

— А меда бур нуны найöс кытчöкö сиктö. Керкаын чипанпян частö висьöны да вермасны кувны. Налы быть колö свежöй воздух,— шуис Марья Петровна.

Ми петкöдлİM Марья Петровналы асьыным инкубаторнымöс, кöни вöлі сöмын кык кольк.

— Тайö колькъяссьыс, навернö, нинöм нин оз чуж,— шуис Марья Петровна.— Но тайö немтор. Тiян и сiдзи ставыс зэв бура артмис. Тi бура старайтчинныд!

— А ми эгö öтнанным старайтчöй: миянкöд ребята уджалисны,— шуис Мишка.

— Сiдзи и колö,— вочавидзис Марья Петровна.— Лоанныд дружнöйөн — некутшöм сьöкыдлунъяс тiянöс оз повзьöдны.



*Чипанпянлөн лоес настӱяцӱй праздник.*

— А ме думайті, мый мян нинөм оз артмы, сы вöсна мый öтчыд вунöдi видзöдны температура бöрся да колькъясыс кöдзалісны,— висьталі ме.

— Зародышъяс вермасны дыр кад кежлö кöдзавлыны,— висьталіс Марья Петровна.— Курöгыд öд оз жö пыр пукав колькъяс вылас. Луннас öтчыд сійö чеччылö, медым сёйыштны, и колькъясыс кöдзавлöны. Инкубаторъясын колькъяссö луннас öтчыд кöдзöдлöны жö, медым зародышъясыс развивайтчисны природной условиясын моз жö. Но ёна опаснöджык лишной шонтыны колькъястö.

— А ме öтчыд шонті ёнджыка,— шуис Мишка.— Температураыс кайліс нелямын градусöдз.

— Сідзкö, ас кадö казялöмыд,— объяснитіс Марья Петровна.— Дыр кö шонтан, зародышыс кулö.

Рытнас ми жугöдiм кыкнан кольöм кольксö. Кыкнанас вöлöмаöсь тырвийö развитчытöм зародышъяс. Олöмыс мыйлакö сувтöма налөн, и чипанпяныс кулöмаöсь. Гашкö, тайö буретш и лоис ёнджыка шонтöм вöсна.

Ми кусöдiм лампа, кодi сотчис стöч кызь куим лун. Градусникын ртутьыс ньöжйöник лэччис увлань. Инкубатор кöдзаліс. А плита дорын кастрюляын шарöдчис мян «ичöтик гажа семья» — пушкыра гöна дас чипанпи.

### *Вöля вылö*

Мян «ичöтик гажа семья» оліс зэв дружнöя. Чипанпян кутісны асьнысö зэв спокойнöя да бура, кор вöліны ставныс öтлаынöсь. Но мыйөн

вөлі кодөскө на пөвстысь торйөдан, сійө заводит-  
ліс тревожнөя чипсыны да котравны, зілис корсь-  
ны ассьыс вокъяссө да лөньліс сөмын сэк, кор  
өтлаасьліс накөд.


Майка важөн нин көсйис босьтны ассьыс чи-  
панписө, но ми пыр на эгө тшөктөй сылы. Мед-  
бөрти сійө век жө эз кывзысь да нуис сійөс ком-  
натаас. Часджын мысти сійө вайис бөр да синва-  
сорөн шуис:

— Ме сэсся ог вермы! Чипсөмнас сійө мен-  
сьым сьөлөмөс кырлөдлө. Ме чайті, сійө велалас  
да дугдас чипсыны, а сійө пыр чипсө и чипсө, да  
сэтшөм нориника!

Сійө лэдзис чипанписө джоджө, и сійө кык-  
коқйыв котөртис мукөдъяс дорө, кодъяс вөліны  
өтлаын да эз янсөдчывны өта-мөдсьыныс.

Ми кухняын потшим пельөс. Сэтчө вольсалім  
клеёнка, сы вылө пуктім шоньд ва тыра чугун.  
Чугунсө вевттим пөдушкаөн, мед ваис дырджык  
эз көдзав. Чипанпиян пыравлісны пөдушка улө  
да пукалісны чугун гөгөрын, быттьө курөг дорын.  
Тайө чугуныс збыльысь вөлі налы мам-курөг  
пыдди.

Мукөддырйи ми петкөдлім чипанпияннымөс  
ывлаө, но миянлы вөлі сьөкыд видзөдны на бөр-  
ся: то пон матыстчас, то  
кань — гөгөрбок грөзитіс  
кутшөмкө беда. Чипан-  
пиянлы пырджык ков-  
мыліс овны гортын, и ми  
ёна полім, мый налы оз  
тырмы свежөй воздух.  
Торйөн нин ми полім өти  
вөсна. Сійө вөлі мукөд-



сьыс ичөтджык да лөньджык. Сійө шоча котравліс, пырджык пукаліс лөня да этша сёйис. Тайө вөлі витөд номер, коді ставсьыс сёрөн петіс кыш пытшсьыс.

— Бур эськө вөлі нуны миянлысь чипанпиян-тө сиктө,— шуис Мишка.— Пола, мед көть найө эз висьмыны.

Но миянлы вөлі жаль янсөдчыны асланым чипанпиянкөд, и ми лунысь лун нюжөдчим.

Өти асылө Мишка да ме локтім вердны чипан-пияннымөс. Найө төдісны нин миянөс да, нимкодя чипсігтыр, чепөсйылісны чугун улысь миянлы воча. Ми пунктім налы проса рок тыра тарелка. Чипанпиян заводитісны кокавны сёянсө. Найө йөткәлісны өта-мөднысө, чеччалісны юръяс во-мөныс. Быдөн зілис пановтны мукөдсө, а өти весиг кокнас тарелкаас пырис.

— А көні нө витөд номерным?— юәліс Мишка.

Витөд номер пырджык вөлі медбөрын. Сійөс, медся слабникөс, чипанпиян йөткәвлісны, и сійөс ми пыр вердлім торйөн. Мукөддырйиыс сійө ньөти эз көсйы сёйны, а воліс мукөдъясыскөд өт-лаын, мед эз коль өтнасөн. Но тайө пөрийө сійө эз вөв. Ми лыддим чипанпияннымөс. Найө вөліны өкмысөн.

— Гашкө, сійө чугун сайө дзевбис?— шуи ме да видзөдлі чугун сайө.

Чипанпи вөлі сәні. Сійө куйліс джоджын, и ме первойсө думышти, мый сійө прөстө водөма шойч-чыштны. Ме нюжөді киөс да босьті сійөс. Менам кийн лоис ичөтик көдзыд телө. Юрыс чипанпи-лөн өшөдчис увлань да бовъяліс вөсньыдик сьылі йылас. Витөд номер вөлі кулөма.

Ми дыр видзөдiм сы вылө да жалитөмла весиг кыв эгö вермöй шуны.

— Тайö ми мыжаöсь!— медбөрти шуис Мишка.— Колö вöли нуны сийöс сиктö. Сэни эськö сийö ёнмис вöльнöй воздух вылад.

Ми гуалiм чипанпинымöс дворö нинпу улö, а мөд лунас тэчим мукөдъяссö көрзинаö да шуим, мый нуам найöс сиктö. Ребята ставныс локтисны колльöдны чипанпиянöс. Майка бёрдис да окалис асьыс чипанписö. Сылы зэв окота вöли колльöдны сийöс ас ордас, но полис, мый чипанпи кутас гажтөмчыны мукөдъяссьыс, и та вöсна сөгласитчис, медым ми сийöс сиктö жö нуим.

Көрзинасö ми вевтим шоньд чышъянөн да мөдөдчим вокзалö. Чипанпиянлы вöли шоньд да лөсьыд. Мунiгчөж найö пукалисны лөня да сөмын корсюрö чипөстлисны, чуксасисны öта-мөдныскөд. Пассажиръяс видзөдлывлисны миян вылө да, дерт, гөгөрвоисны, мый миян көрзинааным чипанпиян.

— Но кызди, курөг видзысьяс, бара колькъясла воинныйд?— миянöс аддзөм бөрын серөктис Наташа тьötка.

— Эгö,— шуис Мишка.— Ми вайим тiянлы песни чипанпиянöс, медым найö тiянын олисны.

Наташа тьötка видзөдлис көрзинаö.

— Батюшки! Кытысь нö тi найöс öктiнныйд?

— Асьным пöжим инкубаторын.

— Сераланныд! Навернö, ньöбинныйд кутшöмкö зоомагазиньсь.

— Эгö, тi öд асьныйд сетлiнныйд миянлы тöлысь

сайын колькъяссө. А öнi вот сийö колькъясыд бөр воисны тiянö ловйөн.

— Дивö тай!— шензис Наташа тьötка.— Тi, навернö, быдманныд да кутшöмкö животноводьясөн лоанныд.

— Ог тöд,— вочавидзис Мишка.

— А тiянлы абу жаль янсöдчынытö чипанпияныдкöд?

— Жаль,— вочавидзис Мишка.— Да тi жö тöданныд: карын налы абу олöм. Танi тiян воздухы свежöй да чистöй, и налы лоö танi лöсыд, а сэни налы весиг котравны некөн. Тiян ордын найö быдмасы, и лоасы наысь настöящöй курöгьяс да петукьяс. Курöгьяс кутасы вайны колькьяс, а петукьяс — сывны. А мiян öти чипанпи кулиснин, и ми сийöс гуалим нинпу улö.

— Ок тi менам коньöрьяс!— шуис Наташа тьötка да сывйыштис менö да Мишкаöс.— Но немтор, немтор. Öти чипанпи кулис, мый нö вöчан? Зато мукöдыс кутасы овны.

Ми лэдзим чипанпиянöс кöрзинаысь да дыр видзöдiм, кыдзи найö котралисны шондi водзын. Наташа тьötка шуис, мыйсылөн курöгыс котсö, и ми Мишкакöд котöртiм сарайö видзöдлыны пöжсысь курöгöс. Сийö пукалис наберушкаын. Курöгыс стрöга видзöдлис мiян вылö, быттö полiс, мый ми мырдям сылысь колькъяссö.

— Вот и лоасы мiян чипанпиянлы ёртьяс,— шуис Мишка.— Öтлаад налы гажаджык лоас.

Лунтыр ми Мишкакöд олiм сиктын. Ветлим вöрö, ю дорö, муяс вылö. Мiян воддза волiгөн

муяс вылын нинөм на эз быдмы, сы вöсна мый тайö вöли водз тулысын. Сöмын тракторъяс таргисны гөгөр да гөрисны сьöd му. А öни став муыс вежödöма: кытчö он видзöдлы — горизонтöдзыс нюжödчö веж ковёр.

А вöрын — со кöни вöли вöляыс! Турун пöв-стын жуисны гут и гаг, воздухын лэбалісны бобувьяс, гөгөрбок дзользисны лэбачьяс. Сэтшöм вöли лöсьыд, мый эз вöv окота мунны гортö!


Мишкакöд ми решитім волыны татчö гожöм-нас, вöчны ю берег дорö чом да овны сэни Робинзон моз.

Медбöрын ми бөр воим Наташа тьötка ордö да заводитім прöщайтчыны сыкöд. Наташа тьötка сетіс миянлы морт öти пирөгөн да шуис, медым ми локтім овны сы ордö каникулъяс дырйи. Ми петім дворö да медбөръяысь видзöдлім асланым чипанпиян вылö. Найö дзикöдз нин велалöмаöсь выль местаö да котралісны кустьяс да пуяс костöд, воздухын кыліс налөн радпырысь чипсöм. Найö важмозыс вöліны öтчукöрын да чипсісны сöмын сы могысь, медым сійö, кодi вошас турун пиö, вермис корсьны мукöдьяссö чипсöм сертиыс.

— Но, прöщайтлы, миян ичötик гажа семья! — чипанпиянлы шуис Мишка. — Лолалöй тані воздухөн, шонтысьöй гож водзын, ёнмöдöй ассыныд организмнытö, чукöртöй унджык вынъяс. Олöй ас костаныд дружнöя, кызди и öнöдз олінныд. Помнитöй, мый ті ставныд вокьяс — öти мамлөн челядь... тьпу! — öти инкубаторлөн челядь, кöни ті ставныд куйлінныд орччөн, кор на вöлінныд

прөстөй колькъясөн да энө на кужой ни котравны, ни сёрнитны... тьпу!— ни чипсыны... И мианос энө жө вунөдой, сы вөсна мый ми вөчим инкубаторсө, и, сідзкө, тайө ми сетім тиянлы олөмсө, коді сэтшөм лөсьыд да мича...

Ставыс!



## ОГЛАВЛЕНИЕ

Важной решение . . . . .	3
Виччысьтём мыджод . . . . .	7
Петан туй сюрис . . . . .	11
Аскинас . . . . .	14
Заводитчём . . . . .	18
Температура усьё . . . . .	24
Температура кыптё . . . . .	28
Майка дежурной . . . . .	33
Ставыс пропадитис! . . . . .	39
Отрядлөн сбор . . . . .	43
Шефской удж . . . . .	49
Медборья лосьодчёмьяс . . . . .	53
Медся сьёкыд лун . . . . .	57
Коді мыжа? . . . . .	62
Кор воши надеяным . . . . .	68
Миян ошибка . . . . .	75
Чужан лун . . . . .	81
Вөля выло . . . . .	88

*Н. Носов*

**ВЕСЕЛАЯ СЕМЕЙКА**

*на коми языке*

Перевод *С. Тимушева*

Редактор *А. Морозова*

Техн. редактор *И. Цибулин*

Сдано в набор 22|IV-1958 г. Подп. к печати 7|V-1958 г. Формат  $60 \times 84 \frac{1}{16} = 3,0$   
бум. лист. 6,0 печ. лист. (Уч.-изд. лист 3,84) Тираж 2000 экз. Заказ № 647.  
Коми книжное издательство. Дом печати. Цена 2 руб. 15 коп.

---

г. Сыктывкар, Республиканская типография Полиграфиздата  
Министерства культуры Коми АССР



2 ш. 15 к.

КОМИ КНИЖНОЙ ИЗДАТЕЛЬСТВО · 1958